



不須經歷阿僧祇劫當下圓滿然後遇茶喫茶遇飯
喫飯寒則添衣熱則乘涼到與麼地始爲得大安樂
從上乃佛乃祖親到此地更欲一切人皆得大安樂
故說大法以安其心立常住以安其身述因果罪福
以啓迪其敬信所以梵網經云八福田中看病第一
若父母師僧弟子病皆供養令瘥如佛無異高菴禪
師云貧道常閱藏典諦審佛意不許比丘坐受無功
之食每遇辰朝偕諸弟子持鉢乞食心無高下使獲
福者一切均等後所稱常住者本爲老病不能行乞
者設山僧昔閱律部佛在世時每月兩巡察一日至

一寮中見一比丘涕泣不已佛云汝泣何爲比丘云
飢渴痛苦故佛云汝幾日不飲食耶比丘云已經七
日佛云何以無人瞻侍比丘云以臭穢故皆厭嫌而
去佛云汝不須泣吾當親自瞻侍汝遂爲易淨衣浣
其汚者給以飲食復以兜羅綿手爲其按摩云汝今
安不比丘云世尊金手一按徧體安樂佛因爲說苦
空無常之法比丘言下證阿羅漢果歸至講堂聲鐘
集眾普諭其事復云若同居比丘有病必當互相瞻
侍若厭棄去者得無量罪非吾弟子大眾者便是釋
迦老子爲一切眾生安身安心底第一箇榜樣也高

60 1 2 3 4 5 6 7 8 9

10

80

1

2

3

4

5

6

7

8

9

峯妙禪師居山時有若瓊禪者病中思醋峯於四十
里外乞醋與之復思洛峯亦給侍之瓊因浴覩影忽
大悟述偈云三十年來顛倒今日一場好笑娘生鼻
孔豁開放出無毛鐵鵠者便是第二箇爲學者安身
安心底榜樣也先和尚初住天童時每以延壽堂未
立爲恨一日因雲間錢鄉紳求嗣先師遂開導伊捐
資建堂施藥錢如命堂成錢遂得子其時山門雖有
土木之役先師一月必數次至堂慰問開示故堂中
常有坐脫立亾者便是第三箇使學者身心俱安
底榜樣也真歇了禪師嘗有涅槃堂偈云訪道論交

實可傷經年獨臥涅槃堂門無過客牕無紙爐有寒
灰席有霜病後始知身是苦健時多爲別人忙老僧
自有安閒法八苦交煎總不妨大眾還識得安閒法
麼若果識得非特八苦交煎縱使劙樹刀山鎤湯爐
炭亦自安閒其或未然同是有漏色身爭免八苦煎
逼山僧初住翠巖卽欲立一堂以安老病其奈福緣
淺薄三年始成今特請某爲堂主某爲行者尚冀仰
效佛祖之標榜俯念疾病之酸辛勤加照拂使彼身
心調適直到大安樂之地則功不浪施矣且道如何
是大安樂底去處愛日到門先曬背和風送暖不添

衣

普說理須頓悟乘悟并銷白雲斷處見明月事在漸
除因次第盡黃葉落時聞擣衣大眾須知事無理外
之事理無事外之理若單悟理不除事此人有眼無
足若單除事不悟理此人有足無眼若能理事圓融
行解相應此人方有話話分大眾要識事麼祇你二
六時中胡思亂想起貪瞋癡造種種業底猢猻子是
要識理麼祇你一念未生以前無欲無依無見無聞
底主人公是你若親見得主人公一面猢猻子自然
不敢作怪所以祖師門下妙在頓悟頓悟之後觸境

逢緣自能隨處作主縱有無始妄習一時銷融譬如
夜夢千秋覺已隨滅你若單除事不契理謂之盲修
瞎鍊直饒向六根門頭死獨地去過捺爭奈猢猻
子依前跳梁不能馴伏所以道但得本莫愁末在今
天下出家者如牛毛得本者如塵角所以正宗寂寥
叢林衰落現前諸公冒險乘危不遠千里百里來求
大戒便是末法精進光明幢假使普天下出家者皆
如諸公何愁佛法不興但受戒亦非小事律中道受
戒後不得離依止依止卽和尚阿闍梨謂依止和尚
阿闍梨可以進道故間有愚鈍者終身不得離依止

60 1 2 3 4 5 6 7 8 9

10

80

1

2

3

4

5

6

7

8

9

如今受戒者七八日內草草忽忽三壇說話尙聽不清何況微細條章歸到家中衣鉢束之高閣戒相視同故紙從年卒歲不見依止一面何況說欲羯磨昔迦葉佛時有一比丘度諸弟子不勤教誠中有一人廣行非法命終墮落爲龍龍法七日一受燭火燒其身肉盡骨存苦不可忍自知宿命本作沙門不持禁戒師亦不敎遂生瞋念欲害其師其師一日同五百商人泛海龍遂捉船且云汝擲下此比丘始放汝去衆問其故龍如上答衆卽欲捉此比丘置水中比丘言不須見捉我自投水因此殞命大衆據此因緣爲

師難爲徒不易師不敎誠過在師敎而不聽過在徒所以今晚有三件事先與諸公斷過受戒之後不能依止叢林者凡遇冬夏戒期必詣依止省觀無犯自說清淨有犯發露懺悔此是一受戒之後當立志參學不得仍行應赴等事此是二受戒之後當朔望誦戒及學大乘經典不得爲檀越誦血盆三官等僞經黨有不遵者卽九師及同壇上中下座皆得鳴鼓而攻追其衣鉢昔世尊謂采菽氏云若比丘輕慢佛語犯衆學戒九百萬歲墮泥犁中其間罪人手生鐵爪相摶肉墮痛苦難忍衆學戒梵語突吉羅五篇中之

相傳

最輕者犯此輕戒尙受如此長夜之苦何況犯五篇中之最重者其苦尤甚大眾人命無常眨眼便是來生當念泥犁苦發同上志專精持戒努力參究究竟取自己主人公一朝打失布袋親見一回始知理事不二頓漸無殊且道除卻頓漸理事如何通信白雲斷處見明月黃葉落時聞擣衣

昔說參禪須求妙悟不可掠虛發言須契正宗不可僥侗僥侗則正宗不達卒落野狐之羣掠虛則悟門不親終滯知解之網所以道參須真參悟須實悟閻羅大王不怕多語近代學者祇因悟門不親學處不玄所以語多滲漏如羣盲摸象各說異端互相是非取笑識者豈不見阿難尊者於楞嚴會上聞佛開示身心蕩然得無罣礙自知心徧十方見十方空如觀手中所持葉物一切世間諸所有物皆卽菩提妙明元心心精徧圓含裹十方反觀父母所生之身猶彼十方虛空之中吹一微塵若存若亡如湛巨海流一浮漚起滅無從了然自知獲本妙心常住不滅大慧杲禪師於熏風自南來殿閣生微涼言下直得一念不生前後際斷此二尊宿因聞法得悟悟中境界說來自然不同雪巖欽禪師於堂中經行忽見面前如

地陷一般天童先和尚過銅棺山頂豁然大悟便覺

情與無情煥然等現你看真箇悟得底說出悟旨自

然親切略舉一二可見從上尊宿無不從真參實悟

中來所以發出一言半句如木祖羹鐵釘飯無你敲
嚼處你若是夙有靈骨底直下打破漆桶你若不會
便須蘊頭真參豈可掠虛謾人寒山大士云我見謾
人漢如籃盛水走及至到家中一點也無有教中所
謂大妄語成下無間獄豈是小事現前諸公雖未徹
悟且不掠虛一聞結夏之說內外踊躍不懼炎蒸頓
忘寢食要向九夏之中了決無量劫來生死疑團便
是正因行腳衲子今晚當起期之初有幾件事先與
諸公議過第一不得閒坐第二不得妄想第三不得
瞌睡第四不得學轉語第五不得念話頭依得此五
件事敢保一切禪病自然脫落大眾須知此事元不
涉文字語言天下老和尚萬不得已垂一機一境開
口見膽要你直下徹去休去歇去生死病根頓盡去
譬如良醫相似據你所害底病下一劑藥要你通身
汗下其或服藥不效便須另覓良方不可向人道我
病雖未愈藥已喫得純熟了而今念話頭者亦然十
年二十年抱箇死話頭去念卻向人道我工夫做得

60 1 2 3 4 5 6 7 8 9

10

11

80

12

3

4

5

6

7

8

9

純熟了話頭不間斷癡人你若不求妙悟縱念百年
有何所益此近代參學者大病牢牢靠著一句話頭
如乞兒杖子相似縱遇知識當機直指渠亦不顧又
有一等鹵莽禪和被知識逼授得緊祇管去學轉語
來唐塞也不管自己悟不悟信口胡柴豈不見雲居
初住菴時興化問權借一問以爲影草時如何居無
語化云情知你答不得者話不如禮拜了退可見古
人慎重不妄發言至若瞌睡妄想參禪通病不待細
言古德云若人靜坐不用功何年及第悟心空直須
提起吹毛利要剖當陽第一義可見閒坐取靜亦是

大病篤豎如意云大眾山僧提起吹毛也還見第一
義麼擲下云急著眼觀

普說百舌無聲鳴又鳴物情迭變洵堪驚胸中未得
空諸有萬象依前翳眼睛大眾一切諸法本來空寂
不待離散敗壞而後爲空天地若不空則不消隕日
月若不空則不沉沒山河若不空則不崩竭四大五
蘊若不空則不離散乃至三界二十五有內外諸法
皆是空華都無實有若知得一切皆無有實便是出
生死底捷徑所以道知是空華卽無輪轉亦無身心
受彼生死非作故無本性無故大眾既無生死又無

輪轉爲甚六趣昇沉至今不息良以一切衆生從迷至迷不覺不知隨順業識妄生執著於無生死中妄見生死於無是非處妄起是非於無人我處妄分人我於無遷變處妄見遷變所以道心生則種種法生心滅則種種法滅又道如我心空諸法空千品萬類悉皆同故龐居士向一口吸盡西江水言下心空及第二祖於覓心了不可得處始得心安心既不可得則六根六塵六識十二處十八界及一切諸法皆不可得一切諸法既不可得則本來面目觸處全彰慕豎如意云還見本來面目麼你若未得心空底畢竟

喚作如意子要且不見本來面目者箇說話喚作入理淡談你若未得心空見人說道理便作道理會見人向上提持便作玄妙會見人說空便著空見人說有便著有譬如矮子看戲隨人上下日前有箇禪客入室中請益云達得無常苦空是小乘法如何是大乘真空山僧便打客茫然諸人還知棒頭落處麼若也知得則四句俱離百非頓絕盡無邊香水海徧微塵國土是自己一箇清淨法身求於空有二相了不可得其或未然冬至日長夏至日短瞬息百年三途路險珍重

昔說九夏須臾盡秋風又再旬時時不空過方契本來人大眾山僧一夏以來不持呪不誦經困卽打毬健卽經行可謂不空過諸人一夏以來肩竹肩木收米收穀亦可謂不空過衆中有等懵懂禪和便道翠巖老漢說無事禪我們一夏以來嘮嘮攘攘七上八下雖是行得些苦行博得些癡福究竟禪不曾參得道不曾悟得正是空過日子和尚一月以來不上堂不開示不談宗不論義爭得不空過大眾與麼見識何異三家村裏俗漢我且問你本來分上還著得者聞家潑臭也無所謂金屑雖貴落眼成翳昔有一老

宿一夏不曾爲眾說話會下有僧嘆云不敢望和尚說佛法得聞正因二字也難得老宿聞得乃云闍黎莫誓速若論正因一字也無道了叩齒云適來不合恁麼道鄰舍有老宿云好一金糞被一顆鼠糞污卻雪竇顯禪師拈云誰家金內無一兩顆大眾要識鼠糞麼參禪學道是鼠糞成佛作祖是鼠糞談玄說妙是鼠糞要識清淨糞麼更舉一則古人公案與諸人聽昔仰山夏末上鴻山省覲鴻云子一夏作甚麼仰云鋤得一片畬種得一簍粟鴻云子可謂不空過仰云和尚一夏作甚麼鴻云日中一食夜後一寢仰云

和尚也可謂不空過道了乃吐舌瀉云寂子何得自傷亡命大眾瀉仰父子主賓互換縱奪可觀即且置祇如仰山吐舌瀉山因甚道寂子自傷亡命若檢點得出也許你是一員無事衲僧其或未然時中切不得空過

普說僧問施主殷勤請陞座未審吾師有何垂示師云昨夜南山虎敵大蟲乃云梵語阿彌陀此云無量壽若能直下自承當狐狸便作獅子呬獅子既呬羣狐腦裂吹毛出匣凡聖不畱縱使無量壽世尊到來也須斬爲三段更說甚麼樂邦淨土何殊翳眼見空

華指東劃西大似止嚙拈黃葉豈不見六祖大師答韋刺史道東方人造罪念佛求生西方西方人造罪念佛求生何國凡愚不了自性不識身中淨土願東西悟人枉處一般所以佛言隨所住處常安樂使君心地但無不善西方去此不遙若懷不善之心念佛往生難到今勸善知識先除十惡卽行十萬後除八邪乃過八千念見性常行平直到如彈指便覩彌陀使君但行十善何須更願往生不斷十惡之心何佛卽來迎請若悟無生頓法見西方祇在刹那不悟念佛求生路遙如何得達惠能與諸人移西方於

剎那間目前便見各願見不眾皆頂禮云若此處見何須更願往生願和尙慈悲便現西方普令得見祖言大眾世人自色身是城眼耳鼻舌是門外有五門內有意門心是地性是王王居心地上佛向性中作莫向身外求自性迷卽是眾生自性覺卽是佛大眾六祖大師已開口見贍一時說破了也還信得及麼若信得及便與古佛齊肩不須向外馳求所以長蘆贍禪師云實際理地不受一塵則上無諸佛之可念下無淨土之可生佛事門中不舍一法故有念佛三昧開示往生法門東土自遠公結社之後念佛者甚

多著淨土文者母慮數十家雖有抑揚偏重之說未嘗非毀禪宗獨龍舒王日休所述淨土文中力排禪弊且引無根不稽事迹爲證卽草堂五祖真如惠古諸大尊宿皆遭貶斥然王公原文祇有十卷今所傳者增廣二卷大抵排禪之說乃無知庸妄之談斷非王公本意頃因無念禪者偕眾檀入山設供特攜此文質正山僧擬募緣鏤板故對眾點破免致以譖傳謠疑誤後學不是山僧執參禪爲是排念佛爲非念佛參禪總是先佛法門遇上根利智教伊參禪中下二機卽令念佛對機說法何是何非譬如害熱病底

照
通
卷

與他涼藥害冷病底與他熱藥病盡藥除非但禪淨
 二門卽諸佛諸祖及天下善知識百千方便總是止
 嘴黃葉都無實義正恁麼時藥病兩忘生佛無二卽
 且置敢問大眾無量壽世尊卽今居何國土還知麼
 白萬華中藏不得紅塵堆裏現全身更有一偈舉似
 大眾禪淨相兼也不妨娑婆寧復異西方頂門未具
 超宗眼莫把虛空較短長

行實

辛卯臘頑石禪人設茶偕兩序大眾稽首請云諸佛
 出世皆有生緣歷祖降靈各敘行腳吾師續天童之

正脈復翠巖之禪庭三載開爐千指圍繞願不行由
 以開來學師云日出西方夜落東叡云不會師云且
 歸本位坐看取画虛空叡歸位師云山僧本無姓字
 亦無方所無端於甲寅年十月初四日亥時幻現於
 建寧府甌寧縣之高陽鄉前一夕先母余氏夢一老
 僧鬚眉如雪從峨嵋來借宿乃分婉甫出胎遂不茹
 草血先父陳氏諱之奇爲邑庠生嘗謂人曰吾先代
 多好善樂施每遇饑歲倉廩爲之罄空後世子孫必
 有起者觀此子沉潛溫敏動止有則似非常兒可比
 因命名國賓字賓王稍長隨父讀書於山寺中極喜

60 1 2 3 4 5 6 7 8 9

80

9

聞梵唄之聲每晨盥漱畢卽同胡跪結印默持準提
咒三七編年十六翻然有出世之志乃隨先祖出家
於黃巖禮本師上體下空雍染命名真喆字若魯嘗
自思曰此世界中不知有幾許人人中有幾許凡幾
許聖卽此世界憑何而立一日閱中峯警策歌至三
界塵勞海闊無古無今閑聒聒盡向自家心地生
一念不生都解脫處恍然自得卽有志徧參一日閱
傳燈至青艸布衫話如撞鐵壁悶不自解乃閉戶絕
食竟日趺坐揭宇於門曰今日不出戶久之無所得
聞天童法席冠海內遂定向往辛未冬始腰包出嶺

道過夢筆爲覺浪和尚所畱壬申同抵武林聞其力
訏天童且信且疑莫決去就侍行吳楚中原三載衣
不解帶脇不至席雖執爨負春採薪乞食靡不爲之
然於本參毫無影響甲戌冬乃棄去從潁州至天童
參先師相見次便問向上一路千聖不傳棒喝交馳
合明何事先師便打山僧云明知生是不生之法爲
甚被生死之所流先師打云還知麼山僧云便恁麼
去時如何先師云賺殺閻黎一日問萬法歸一一歸
何處先師云萬法且置如何是一山僧豎一指先師
云此猶是萬法畢竟如何是一山僧無語先師便打

60 1 2 3 4 5 6 7 8 9

10

11

12

13

14

每入室長跪請益先師唯大棒打出二六時中猶如木人直得東西不辨南北不分日則隨叢作息夜則倚柱爲牀一日求侍者單先師云老僧無侍者山僧云太尊貴生先師笑云你因甚要作侍者山僧云朝夕得親近和尚先師云如何是你親近處山僧呈偈云如何是我親覲處覲面當機絕回互云先師指覲字云此字錯了山僧云未審當用那箇覲字先師以杖蓦口指山僧當下豁然便趨出次日入室云某甲有箇見處特來呈似和尚先師云你見處作麼生山僧曰一園相先師云也當不得山僧作禮而出從

此於本分事了無疑滯但於古人公案猶不能盡透臨機用不出一日隨先師開萬工池次山僧問起石挑沙卽不問冒雨衝風事若何先師便打山僧云恁麼則箇箇壁立萬仞去也先師亦打丁丑春以出山養病呈偈有室中若箇呈新見杖下吾曾豁正眸之句先師云如何是你誅開底正眸山僧云瞎先師云作麼生是瞎底意山僧無語先師云絕後再蘇欺君不得須知有者一步工夫此去不得浪遊病愈卽還山山僧奉命至武林調息半旬卽上徑山參雪嶠師大道過僻窓遇永覺和尚遂問聞師親見壽昌老人

是不覺云是山僧云如何是壽昌得力句覺云若有力處不到於今山僧云者便是壽昌得力處麼覺云汝何多事山僧云也不得放過到語風居見雪師太纔度香儀太接得便云汝那裏得來底山僧便掌太把住云者小禪和得恁麼無禮我不會打那山僧云師太作打會那太乃笑山僧禮拜起復問雪覆孤峯時如何太云愁殺人雪厭梅華時如何太云落也雪點紅爐時如何太云化雪消春到時如何太云一
點也無山僧云恁麼則片片不落別處也太便喝山僧亦喝便禮拜太云老僧自住山以來並不見一箇

靈利衲子當時唯有箇道閒禪者是福建老頗有些氣息山僧云是家母舅太云怪道外甥多似舅卽贈行腳詩一律中有綻衲渾身都是語快情唯汝自相宜之句乃畱休夏於雜華菴菴去語風居十里太一日親過菴相看山僧門迎太取下笠子山僧接得便問天不能蓋地不能載因甚被者笠子遮卻太休去山僧隨後作禮云適來造次夏滿辭返天童太爲作偈送行云今朝喜見雨中秋萬葉將爲不自由獨許梧桐通此竅一枝飄泊逐寒流到徑山大殿遇雪關和尚上堂山僧出眾問獨步大方時如何關云你腳

跟點地也未坐斷孤峯時如何關云老僧在者裏上堂處處逢渠時如何關云面面春風山僧云恁麼則雪消雙徑滑雲散五峯清關云洞口桃華開也未山僧云已被風吹落關云何曾夢見靈雲山僧云且喜大眾證明關云證明箇甚麼山僧便喝關云再喝喝看山僧連喝兩喝歸歇關云鼓粥飯氣到雲門見爾密和尚問未得底人如何下手門云向無下手處下手已得底人如何保任門云直須恁麼去已得底人與未得底人相去多少門云今日是幾山僧云恁麼則聖凡不二觀也門云猶是自家見山僧云誰知席

帽下元是昔愁人門云如何是昔愁人山僧便喝門云也當不得山僧云疑則別參門畱結冬命掌記室山僧觀爾老說法訓機從容自在邇邇遏遏不衫不履了無近時裝點扭捏之習誠本色宗師乃就職期中痛自策勵必以大悟爲期機鋒轉語影響邊事撥向一邊時中但自揣云瞎底意旨分明會得因甚臨機道不出古今公案祇是一箇道理因甚透不得日夜鞭逼一日經行次聞僧舉開善謙與宗原馳書公案直得如放下重擔相似歸單坐十餘枝香無著歡喜處當爾之時竝不見有身心世界亦不見有昏沈

妄想正所謂常光現前壁立萬仞底境界從前疑處
如開門見山因述偈云云次日值門落堂考工夫次
山僧出眾問脫卻汗布衫且無蟲子敵一夜得安眠
清晨起得早試請宗師大人考一考門低頭良久山
僧作整冠束帶勢云一色杏華紅十里狀元歸去馬
如飛便歸眾門云你看者醜驢亂做山僧便作驢鳴
門便歸方丈一日門上堂山僧問馬祖一喝百丈爲
甚麼三日耳聾門云今日雲靄靄雨霏霏聲未絕山
僧便喝云猶打葛藤在門云也須細細嚼過山僧云
誰人知此意令我憶天童便拂袖歸眾解制上堂山

僧問兩堂共聚千餘指大徹心源有幾人門云並無
一箇山僧云恁麼則臨崖看滌眼特地一場愁門云
闍黎又作麼生山僧云九萬里鵬纔展翼數千年雀
便翱翔當日辭返天童相見次卽問單刀直入擬取
師頭時如何先師云放汝三十棒山僧便禮拜而出
次日入室云昨日觸迂和尚先師云道甚麼山僧云
裝聾作麼先師拈棒山僧便出一日先師爲佛音兄
舉火將法語揭於壁上末云中有六字欠妥大眾爲
我故之山僧呈偈云謗言打草驚蛇出自是憐兒醜
不知六字已更停妥了好看紙墨未形時先師覽畢

乃云你是死蛇驚你作麼山僧便向先師肋下築一拳云且解敵人先師微笑一日開路次路有兩條先師云祇開一條罷山僧云兩條都要開先師云一條尚錯何況兩條山僧云不見道路路透長安先師休去先師一日舉熏風南來話問山僧你作麼生會山僧云山月如銀牽野興閒行不覺過峯西先師云此是老僧底山僧云拈匙便舉手喫飯便張口不是師子兒爭解師子呴先師大笑一日又舉熏風南來話問山僧山僧便掌先師亦打山僧禮拜一日舉有句無句話問山僧山僧云雲在嶺頭閒不徹先師云大慧因甚道到者裏如狗舐熱油鑄山僧云祇爲滯句承言一日先師閱雪竇頌古次至楚王城畔輞宗水喝下曾令卻倒流問山僧作麼生會山僧便喝云者老漢莫不識痛癢一日入室中云某甲有箇頌子呈似和尚先師云擎來看看山僧展兩手先師便打山僧云者老漢頌子也不識一日先師問眼處聞時始得知意旨如何山僧云動容揚古路不墮悄然機先師云汝今日始作得老僧侍者山僧云是何言歟一日呈偈云一入天童五歲除箇中消息自如如汗衫帽子都稀破扁擔込鞍尚拮据眼底了無塵世夢燈

前湧讀古人書深藏丘壑看時節臘盡春歸萬物舒
先師覽畢顧旁僧云者小老卻參得禪自此室中翰
文叩擊投機語句頗多不能悉舉辛巳冬侍先師於
禪御史密園一日禮辭先師住山先師痛罵不已復
呈偈云何事衝寒離杖側把茅欲向碧峯蹲目前殘
局渾休論壯志淡淡在報恩先師亦不閱唯加罵詈
山僧云某甲終不敢辜負和尚竟禮辭至西江南安
臥雲菴與二三衲子火種刀耕喫瓔珞粥將有終焉
之意未及一載忽聞先師訃音乃出山買舟東下至
洪州遇同參健堂義公公以世道亂離江河梗塞再

四擬畱於西山白法結茅自癸未至今倏忽九載而
埽塔之念無時暫置今秋始獲遣專使一通法嗣書
埽先師塔伏承山翁林野兩法兄述偈上堂極口獎
導山僧自惟不唧咄資性椎魯在俗既未能博通經
史出家又未曾徧歷講筵行腳參禪受盡波吒枉用
許多心力唯是將勤補拙始有今日諸公切不得學
山僧不唧咄漢行徑若學山僧行徑和諸公亦不唧
咄今晚因頑石禪者請敘行實不惜向虛空中圖画
一上回觀三十餘年事猶如昨夢且道未入母腹時
諸公向甚處與山僧相見擊拂云石頭點處天塹落

機蓮

雲腳收時夜月明

古雪詰禪師語錄卷十一

古雪詰禪師語錄卷十二

問答機緣

僧問如何是賓中賓師云十扣朱門九不開如何是賓中主師云滿身風雪又歸來如何是主中賓師云入門嬾覩妻兒面如何是主中主師云撥盡寒爐一夜灰賓主已蒙師指示向上宗乘事若何師云腳跟下痛與三十棒

問如何是死句師云嘉州大象陝府鐵牛如何是活句師云陝府鐵牛能哮噃嘉州大象念摩訶

問呆日當空無所不照爲甚者邊有那邊無師云閣
黎且莫認影

問如何是藏身處沒蹤迹師云月落潭無影如何是
沒蹤迹處莫藏身師云雲生山有衣

問趙州道佛之一字吾不喜聞是如何師云一翳在
眼空華亂墜

問法身畢竟是有相是無相師云背陰山子向陽多
問丹霞燒木佛意旨如何師云因風吹火用力不多
院主眉鬚落又作麼生師云不因夜來雁爭見海門
秋

問如何是收師云笛樓霜夜月如何是放師云玉殿
笑春風如何是收中放師云池暖水先化如何是放
中收師云菊敷天漸寒

問如何是本來面目師云階前石礫盤僧禮拜師云
看看碌盤動也

問如何是應無所住而生其心師云八角磨盤空裏
走

僧至偈有寒潭不是養龍窩之句師問卽今龍枉甚
麼處僧便喝師云好一喝僧擬議師便打云某甲以
良久對師云寒潭不是養龍窩僧禮拜

問正睡著時無夢無想無見無聞如何是大用現前
底句師云行到水窟處坐看雲起時

山子均可二居士遊羅漢壇歸師問羅漢將何款待
二公士無語師代云滿谷白雲一天風月

居士問依經解義三世佛冤離經一字卽同魔說畢
竟如何師云居士喚甚麼作經云穿衣喫飯師云錯
後有僧問如何是經師云一字不著畫

問父母未生前請師道一句師云明月正當空云不
會師云片雲迷遠岫

雲津楊孝廉問達摩面壁意旨如何師云倚天長劖

逼人寒云雲門道廿七又作麼生師云多季曆日云
人人有箇不減真性未審在甚麼處師便打

僧籤桶次師問參禪須要打破漆桶你爲甚麼郤箍
起云有時恁麼有時不恁麼師不肯乃代云且圖大
家受用

僧請益唐玄宗斬画像因緣師云你試道看云惱亂
春風卒未休師云山僧卽不然云師意如何師云金
風吹一葉萬樹盡皆秋

問久嚮西山一日出一馬蹏金特來借些用師便掌
云謝布施師云你作麼生用僧無語師復掌云从漢

機述

古香堂藏書

師問磨上座云。麒麟爲甚麼祇有一隻角。云築著磕
著師不肯乃代云。唯我獨尊。
無念教道人參師問。莫謂無心。云是道無心。猶隔一
重關。且道是那一重關。道人無語。師代云。富嫌千口
少。

師問衆露柱。舞春風是第幾機。衆無語。師代云。淡煙
籠碧岫。細雨溼蒼苔。

問如何是本來面。師云爛泥團。云擊碎後如何。師云
你向甚處下手。僧擬議。師便打。

甘行者做稻場。次問如何是道場。師云寸艸不生。

問南泉斬貓意旨。如何。師云萬象森羅盡。陸沉趙州
戴艸轡出。又作麼生。師云山盡疑休去。峯高又起來。
問萬法歸一。歸何處。師云紅爐飛片雪。

師一日至養牛窩看。終南上座因問牛作麼生。養云
請大師道。師云遇茶喫茶。遇飯喫飯。云弟子持觀音
經常疑一段。義經中道。若有罪。若無罪。杻械枷鎖。檢
繫其身。有罪且置無罪。爲甚麼也。檢繫其身。師云臥
龍最怖。碧潭清云。此是禪機未審。教意作麼生。師云
自有三乘座主在。

問不離當念時。如何。師云猢猻繫露柱。

撰述

高僧傳記卷二

居士問弟子做工夫有時祇要殺人是如何師云試
借刀看士擬議師便打

問弟子紅塵中人未審還做得此事不師云甚麼事
云本分事師云何用更做云如何是萬象之中獨露
身師云火裏鐵牛行

問圓通拄杖卽不問如何是天童法乳師便打云大
師原來作者樣見解師云你又作麼生僧便喝師復
打云你原來也作者樣見解又問百丈再參意旨如
何師云大洋海底火燒天云恁麼則木人驟步上台
巔師云且喜沒交涉云法燈道他家自有兒孫枉意
師云不風流處也風流

作麼生師云無小使不成君子云某甲從今向異
類中行去也師云放汝三十棒僧禮拜

師問一老宿聖凡兩絕底人因甚牽犂把耙云種田
博飯家常事師云不是飽參人不知云請大師代語
師云不風流處也風流

問古人云你若坐我須立你若立我須坐意旨如何
師云賓主歷然云除卻賓主又作麼生師云切忌向
鬼窟裏作活計

問如何是祖師西來意師云夜深天寒明早向汝道
問如何是衲衣下事師云炎天不著綺如何是法身

師云皮裹骨

埋菴師舉洞山好佛祇是無光話問師作麼生師云
爛泥中有刺云還在羅山分上洞山分上師便掌云
未枉夏道師又掌菴亦掌師云你者掌落枉甚麼處
云爛泥中有刺師云且喜放光也

問如何是諸佛出身處師云搵橙堆頭熏風自南來
又作麼生師云舌拄上齶

問熏風自南來殿閣生微涼意旨如何時值版鳴師
云山僧騎佛殿過齋堂去也僧欣然作禮

問猛虎以肉爲命爲甚不食其子師云石筍暗抽條

如何是虎子師云眼橫鼻直

問如何是五家宗旨師云姑蘇城外寒山寺黃雀樓
前鸚鵡洲如何是第一玄師云夜半金烏掌上圓如
何是第二玄師云紅爐釣得赤鮆還如何是第三玄
師云胡僧雙耳帶金環如何是第一要師云鐵錘無
孔竅如何是第二要師云孤雁鳴煙島如何是第三
要師云拾得遇寒山拍手呵呵笑三玄三要蒙師指
一句全該事若何師云一棒一條痕一掌一搾血云
祇如天童三峯臨濟的嗣因甚舉揚宗旨各各不同
師云師子敵人韓盧逐塊僧鼓掌三下便行師隨後

機遇

卷之十一

打二棒

持彝姜孝廉和亮公洞詩有法界威光從此徹之句
師云如何是法界威光云請大師道師云覩面不會
藏

問如何是正眼師云金州漆師復問僧如何是正眼
云燬破乾坤絕點塵師指階前石云者箇喚作甚麼
云石頭師云又道絕點塵
本來無物可見
問牛頭未見四祖時如何師云茅屋画磨門見後如
何師云縣崖生石耳

師一日至園中問僧諸法真實相不生亦不滅如何

是真實相僧舉菜葉師云如蟲蝕木好處方外
僧禮辭師問那裏去云某甲受業師已歸空師云空
歸何所僧無語師便打

僧舉汾陽頌古云一般叩齒叢林異出院韓公始得
閒師問首座出院因甚韓公得閒云不會請和尚指
示師云斬艸蛇頭落

新到參師問擔囊負鉢來何所求云玆無所求師云
既無所求來作何事云自己亦不少師云將出你不
少底來看僧一喝師便打

問既是金剛經爲甚被蟲蛀破師云若不蛀破爭兒

機述

金剛

師垂問徧體綾羅非是衲僧行徑寸絲不挂未爲作者風規離此二途轉得一機相契山僧與伊一腰禪

一僧云掬水月在手弄華香滿衣師便與

師問僧狗子無佛性話作麼生會云趙州何曾有此

語師云你甚處見趙州僧擬議師便打

問四賓主還有分別也無師云博桑夜半日頭紅如何是賓中賓師云盡日尋春不見春如何是賓中主師云芒鞋踢破嶺頭雲如何是主中賓師云歸來笑捏梅華喚如何是主中主師云春到枝頭已十分云

除卻賓主還有向上事也無師便打

師問僧一向作甚麼云學法華經師云經中道今佛教光明助發實相義如何是實相僧無語師顧春侍者云你道如何是實相云今日肩頭疼師休去四僧參師云同行耶云不同師云既是不同行為甚卻同到云一箇鼻子兩孔出氣師云有箇無鼻孔漢汝還知麼僧無語師便打復問汝從那裏來云廬山來師云五老峯爲甚倒卻僧無語師云謗我

師問僧撥艸瞻風祇圖見性卽今性枉甚麼處云不離方寸間師云方寸敗壞時如何僧無語旁僧云徧

60 1 2 3 4 5 6 7 8 9

10

1

界不會藏師舉枯二石者箇喚作甚麼云喚作一物卽不中師云世尊拈華又作麼生云不會師云又道徧界不會藏

實際參師問如何是實際云綿密不通風師云你那裏得者消息云曾經霜雪苦師云腳跟下親切道一句看云步步蹋實地師云好與三十棒誦戒次師問經中道若遇餓虎狼師子一切餓鬼悉應舍身肉手足而供養之然後一一次第爲說正法既是身肉手足都舍了又將甚麼說法僧云皮膚脱落盡唯一真實師云如何是一真實云徧界不會

藏師休去

問那吒太子析肉還母析骨還父乃現本身爲父母說法未審如何是本身師云一片葉飄庭際西風萬里

秋

茶次問用處不換機請師遠道師云者箇是瓜子

洞山專使馳書至師啓緘見書中云祖道乖秋法多姦弊遂問專使祇如法中姦弊作麼生除得云不會師云你問我與你道云某甲不會問師云舉話也不會使禮拜師打云且喜姦弊已除了也

僧參師問那裏來云東山來師云在東山作甚麼云

作書記師以如意打圓相云者箇是甚麼字云不識
師云者箇字也不識如何作得書記僧禮拜師便打
師落堂垂問衣裏有珠卽不問堂中無佛時如何一
僧云天上天下一僧從東過西從西過東師不諾歸
方丈問春侍者你作麼生會云我者裏容他不得師
休去

問千里特來呈舊面請師方便一提攜師云新羅原
在海門東云恁麼則相逢無主伴萬里絕塵埃師云
莫將魚目作明珠

師一晚落堂隨眾坐香畢起身繞堂一帯豎起如意

云祇者是便出次日有僧進方丈云承師有言祇者
是未審是箇甚麼師便打

師入堂見一僧經行師云眾人皆睡你爲甚狂者裏
打之繞云放不過師云放不過底是甚麼云此事師
云如何是此事僧擬開口師便打僧禮拜師又打
一僧胡跪佛前師云更深夜靜跪在者裏做甚麼云
遭昏沉不開師云你卽今不昏沉也枉者裏做甚麼
僧無語師打云何得詰頭都忘卻

春日大雪次師垂問但得雪消去自然春到來卽今
到爲甚雪轉深一僧云竹密不妨流水過一云

宮嫌千口少師皆不諾一云不妨錦上更鋪華師深喜之

問入門須辨主端的請師分師云子規嘵處百華香
辨後如何師云大地盡皆春

德侍者作禮拈兩條坐冥師云別人祇是一箇你爲甚郤有兩箇云和尚莫作兩箇會師云你又作麼生者擲下一具師云依舊是兩箇

問弟子工夫聲未絕師便掌僧擬進語師連掌云者漆桶有甚麼屎工夫快拈大棒來僧便走

師有偈云泥不濁兮水不清獨清須是解騎聲因問

衆聲作麼生騎一僧云試聽檐頭水點滴舊痕師云忽遇天晴時如何云舊痕猶在師云癩馬繫枯椿又僧請代師云常憶江南三月裏鷁鵠唳處百華香誦戒次師垂問經中道一切地水是我先身一切火風是我本體圓覺又道一切衆生妄認四大爲自身相者裏合作麼生體會一僧云達得眞常理身心合太虛師云如何是眞常理僧下語不契因請代師云地水火風

問承師有言拈得翠巖無柄杓卻是曹谿古鉢孟如何是古鉢孟師便打云因甚無柄師云無汝摸索處

云恁麼則世出世間希有事顯發須憑過量人隻禮拜師與一踢云者箇是甚麼云好一腳師云亂道問弟子領了話頭兩季竝無得力處乞師指示師云你當初將甚麼去領話頭云某甲愚蠢至慈悲師打云者箇元不愚僧復求話頭師云更嫌鉢盂無柄那

僧患癱師問僧如何是金剛不壞身云密密清楚悄然機師云未在僧理前問師云脣邊一箇大瘤兒周思永居士問本來無物教弟子如何究心師云刹竿頭上舞三臺王沈師云會麼云說得郎不是

師云道火何曾燒著口問如何得超終始之患師云那邊不坐空王殿爭肯耘田向日輪

問如何是門裏出身易師云低頭不見地如何是身裏出門難師云春色滿江南如何是回互師云上無衫下無綺如何是不回互師云鳥自喫華自吐秀才問如何是法身師云鬚髮白如銀云灰了燒了畢竟向甚處相見師云待山僧有舌頭卽向汝道問如何是不住於相而行布施師云十二處忘閒影響三千界放淨光明問今日是庚申十一月五日

機緣

寶鏡錄卷之二

天童和尚忘日師垂問今日是先師十週忌若道先師已滅度是謗先師若道先師未滅度亦是謗先師作麼生得不謗去一僧云離此二途請師別道師便打僧歸位師云何不進語云箇箇飽駒駒師云直須吐卻又僧云有相皆不是無相亦非眞識得天童面七月七立春師云你那裏卜度得來云和尚不妨疑著師云我疑且置閻黎又作麼生僧便喝師便打師一晚落堂連聲云了了見無一物一僧云山河大地聾師便出堂

一晚落堂舉子湖半夜入堂喊云有賊你們快些起

來一僧纔出湖便擒住云賊枉者裏了僧云不是湖云是到是祇是你不肯承當師云子湖老漢可謂射虎不眞徒勞沒羽翠巖堂中莫有眞賊麼一僧云一場敗闕師云是者僧敗闕是子湖敗闕僧復云敗闕師打云卻是你敗闕

問把住在者裏無纖毫與念時如何師云猢猻繫露柱僧沈吟師打云繫殺了也

問一念不生前後際斷時如何師云你會作甚麼來云天上天下唯我獨尊師云那箇是獨尊底僧豎指師便打

支那

古文書研究室

三

卷之二

僧呈偈有萬象森羅露真容之句師問如何是真容云雪後始知松柏操師云松柏亦是萬象畢竟如何是真容云全機獨露師云露後如何云法外無心師便打

問盡夜貓兒腳不停時如何師云亂走作麼云還許他捉鼠也無師云不許云爲甚不許師云無你著力處

問耀古騰今卽不問天翻地覆時如何師云待虛空粉碎來向汝道云粉碎後如何師云耀古騰今云既

是耀古騰今爲甚麼要虛空粉碎師云不因夜來雁

爭見海門秋

問凝情頓發時如何師云萬里一條鐵云本來成現事何故最難明師云演若迷頭心自狂

新到參師云隨喜耶求住耶云悉憑和尚師云不許住不許去僧無語知客云謝和尚安單師休去

問學人上來請師賜棒師云不打外漢

問二六時中如貓捕鼠爲甚不知安身立命處師云老鼠已走郤了也僧竚思師打云向道走郤了又思量箇甚麼

問學人初到此間乞師指示師云何時到此間云去

季到師云到卽不點云乞師指示師打云又說去季
到

師問僧如何是無位真人云千聖不識師云無位真
人還有身也無云掬水月在手弄華香滿衣師云前
三三後三三又作麼生僧擬議師便打

問東山水上行意旨如何師云牛頭尾上安云殿閣
生微涼又作麼生師云前三三後三三云如何是諸
佛出身處師便打

問昔日閑風今朝覲面覲面一句請師分付師云棒
打石人頭

問人人腳跟點地各各鼻孔遼天因甚有凡有聖師
云但得不亾羊何須泣歧路云兩頭俱不涉一劍倚
天寒師云你劍在甚麼處云拄杖邊薦取師打云何
曾夢見

師一晚垂問白日青天卽不問你三更半夜道將一
句來眾無語師代云眼似睂毛

師垂問縣崖撒手自肯承當絕後再蘇欺君不得絕
後再蘇卽且置如何是縣崖撒手底句眾無語師代
云阿

師因題天童先和尚贊云我雖脚下兒自慙百不像

60 1 2 3 4 5 6 7 8 9

80 1 2 3 4 5 6 7 8 9

乃問眾既是百不像爭做得他家兒孫一僧云曹谿
波浪如相似無限平人被陸沈

二僧參師問那裏來云百丈師云時中如何用心云
看念佛是誰師云不念佛底是誰云不會師云不會
底又是誰云不會不會師打云直饒你不會也未免
契山僧手裏棒又問次僧你到者裏做甚麼僧默然
師云禪和不開口諸佛難下手山僧卻下得手便打
獨尊上座爲師慶壽請上堂師問教中道本來無有
世界眾生因妄有生既是妄生何足稱慶一僧云移
華兼蝶至買石得雲饒師休去

問圓通不開生藥鋪單單祇賣死貓頭如何是死貓
頭師云黃連甘艸云不會師云批出死貓著

徐居士問學人登山涉水請師弘法爲甚麼不允師
云從來不出戶進云大唐險峻不比翠巖馬大師到
此出手不得未審和尚如何出手師云已踏殺天下
人了也進云色身朽壞如何是堅固法身師云水綠
山青土云暗點飛龍馬艸裏出頭來橫行三界外萬
古絕塵埃師云夢裏惺惺土禮拜

問師子是百獸之王爲甚被文殊騎師云水流濕火
就燥

問春雪冬雪俱不問如何是古雪師云一條界破青

山色

問春日溫夏日熱未審佛日如何師云春溫夏熱
澹庵莊內翰問無生之體在什麼處師云不離動用
間又云見性成佛畢竟性在何處師舉茶枯云見麼
莊云信手拈來頭頭是道師云祇如南泉斬貓又作
麼生莊云請師道破師云推倒西山卽向居士道莊
因措通夕不寐次晨師問昨夜公案作麼生莊云虛
空粉碎一切不畱師休云

師問觀首座泗州大聖因甚在揚州出現觀云無聚

鎮子兩頭搖又問蓮首座蓮云有利無利不離行市
又問一僧僧云南山起雲北山下雨師云是不是不是
師落堂問僧整日整夜者樣走爲甚踏不著自家田
地僧云無下足處師云如何是自家田地僧云踏著
卽禍生師休去

師一日問僧喚作竹篦則觸不喚作竹篦則背畢竟
喚作甚麼僧云某甲喚作無根樹師云如何是無根
樹僧云從來不開口師云我道春至便開華
師問僧如何是如如體僧云衣寶不會藏師云鉢郤
衣時寶在何處僧云舟行岸不移師云如何是真實

相僧云門外鉢孟今古傳師云好與二十棒

師問僧黃檗爲甚打臨濟三頓棒僧云直至如今痛
未休師云臨濟死去多少季爲甚至今猶痛僧云阿
耶耶師便打

垂問

釋迦峯峻洪井源深畢竟是誰親到
石鐘石磬晝夜誼闊因甚不聞其聲出此僧云細
團圓一鉢常在目前因甚拈掇不起小普目宋田
果熟香飄大家共享爲甚雷偏護橘

入室

師問僧大顛打首座意旨如何云倚勢欺人師云晝
夜一百八又作麼生云切忌當頭道著師云一般啞
齒爲甚擯出首座云若不擯出爭得文公悟去師云
忽若問你春秋多少又作麼生云向道今季四十
一師云何異流俗阿師云一任分別師云爭奈文公何
問僧一口吸盡西江玉浪復從何起云沒溺天下人
師云溺卽不無浪從何發云好箇問頭師云青艸布
衫又作麼生云是甚閒家臭師云如何是下載清風
云朔風凜凜骨毛寒師云未在且去

問僧如何是涅槃心云大地無寸土如何是差別智

云萬派皆歸海前三三後三三又作麼生僧擬議師便打

問僧你向來用底火杖呈似山僧看僧豎指師云道得也杖下死道不得也杖下死道不得且置道得爲甚也杖下死云知恩者少負恩者多師云祕魔老漢卽今在甚麼處云作麼師云者是祕魔底奴子如何是祕魔底正主僧禮拜師云更參三十季
問僧庭前柏樹子意旨如何云盡大地風颯颯師云先師無此語又作麼生云用處最親切師云懷艸牛喫禾爲甚益艸馬腹脹僧擬議師便打

問僧野渡無人舟自橫時如何云某甲親到者裏師云火了燒了向甚處與山僧相見云向不生不滅處與和尚相見師云未在云和尚又作麼生師便打
問僧如何是正體云覲面更無私如何是妙用云遇茶喫茶遇飯喫飯體用互呈時如何云萬派皆歸海千山必仰宗便禮拜師亦打
入室畢復問雪覆千山因甚孤峯不白一僧云從來不與眾爲鄰一云蓋覆不得師休去

問僧如何是第一座僧呈座具師云此是第二座云直下來也師云未在更道云和尚又作麼生師便打

云者箇便是第一座麼師云莫錯認僧禮拜云謗某
甲不得也師云歟了燒了畢竟向甚處與山僧相見
云幾回零落盡又見長新條師休去

問僧如何是堂中主云逼塞乾坤如何是主中主云
橫按鎧鉢無伴侶師云未在云和尚又作麼生師云
打殺釋迦趕出彌勒

問僧如何是法身云頂天立地如何是法身向上事
云明月松間照清泉石上流

問僧既是歷歷分明因甚不聞云綿密不通風如何
是前三三云團圓無縫罅如何是後三三云何處不

風流師云你明日砍柴時不要被葛藤絆倒

僧入師云一向不會打得你今晚要痛打一頓便打
僧亦打師連棒打出僧良久復入師對眾云耐者
僧膽大打山僧明日要攢他出院云和尚莫作打會
好師云你又作麼生云知恩報恩師休去

古雪詰禪師語錄卷十二

60 1 2 3 4 5 6 7 8 9

10

80

1

2 3 4 5 6 7 8 9

9

寶鏡天浴又甘露玉珠恩賜恩禪朴法
曾祖太朴山童問日要箇跡出對云非尚莫首甘會
祖承其嗣禪師語錄出重夏八月入祖堂見一祖者
節人袖元一頭不戴其目睭然如無所見其一祖者
風流相已戒印日念業祖不要避處禪林附

古雪話禪師語錄卷十二

嗣法門人傳我等編

頌古

世尊觀星

燦爛砂星午夜晴閣浮幾箇獨惺惺老胡夢裏雖先
覺無奈金沙翳眼睛

世尊拈華

直指拈華已自彎頭陀何事獨高攀而今覩露投機
句萬象森羅盡破顏

殃崛尊者救產難

豁清白石出天寒工築稀山路元無雨空翠溼人衣
 七賢女遊屍陀林一女指屍云屍狂者裏人向甚
 處去一女云作麼作麼諸姊諦觀各各契悟遂感
 帝釋散華云聖姊有何所須我當終身供給女云
 我家四事七珍悉皆具足唯要三般物一要無根
 樹子一株二要無陰陽地一片三要叫不響山谷
 一所帝釋云一切所須我悉有之若者三般我實
 無得女云汝若無此爭解濟人帝釋固措遂同往
 白佛佛云僥尸迦我諸弟子大阿羅漢不解此義
 唯有諸大菩薩乃解此義

三般皆滯貨不值半文錢堪笑七賢女賺殺散華天
 楞嚴經云若離前塵有分別性卽真汝心若分別
 性離塵無體斯則前塵分別影事塵非常住若變
 滅時此心則同龜毛免角則汝法身同於斬滅其
 誰修證無生法忍

若執分別性鉢盂口上重添柄若離分別性掘地覓
 天還落穿二途不涉契無生覲體全彰明似鏡妍媸
 現時毫髮清胡漢不來光自淨絕是非泯凡聖龜毛
 端裏攝乾坤免角杖頭行正令慶喜兄信不信滿握
 醍醐灌頂門何事夢憨猶未醒

換起

高僧傳記卷之三

百丈禪師再參馬祖。祖豎起拂子。云卽此用離此用祖。挂拂子於舊處。乃云「你已後將何爲？」丈取拂子。豎起祖云。卽此用離。此用丈亦挂拂子於舊處。祖震威一喝。丈耳聾三日後黃檗聞舉便吐舌。

一喝西江水逆流惡聲從此播神州耳聾吐舌成何事笑倒雲門六不收

百丈禪師每上堂有一老人常隨眾聽法一日獨留丈問立者何人老人云某非人也於過去迦葉佛時曾住此山有學人問大修行人還落因果也

無某云不落因果遂墮五百生野狐身今請和尚代一轉語丈云汝但問老人便問大修行人還落因果也無丈云不昧因果老人於言下大悟脫野孤身

江南塞北一毛頭鼙鼓何緣戰未休解用不須霜刃劙鉛刀拈出鬼神愁

南泉禪師因東西兩堂爭貓兒遂提起貓兒示眾云道得卽不斬道不得卽斬卻也眾無對泉便斬卻

拈起當機下一刀兩堂窮命悉難逃誰知箇裏乾坤

關百沸鎗中走活貓

鹽官國師一日喚侍者云將犀牛扇子來者云破
也官云扇子既破還我犀牛兒來者無對

扇子破索犀牛可惜當機不解酬若是金毛獅子子
攔胸便與一拳頭

浮橋和尚因凌行婆問盡力道不得底句分付阿
誰橋云浮橋無賸語婆云未到浮橋不妨疑著橋
云夏有長處不妨拈出婆斂手哭云蒼天中夏添
冤苦橋無語婆云語不知偏正理不識倒邪爲人
卽禍生後有僧舉似南泉泉云苦哉浮橋被者老

婆摧折一上婆聞笑云王老師猶少機關在澄一
禪客逢見行婆便問怎生是南泉猶少機關婆乃
哭云可悲可痛一回措婆云會麼一合掌而立婆
云跂处禪和如麻似粟一舉似趙州州云我若見
者臭老婆問教口啞一云未審和尚怎生問他州
便打一云爲甚卻打某甲州云似者跂处漢不打
更待何時連打數棒婆聞卻云趙州合喫婆手裏
棒後僧舉似趙州州哭云可悲可痛婆聞乃合掌
嘆云趙州眼光爍破四天下州令僧問如何是趙
州眼婆豎起拳頭僧回舉似州州作偈云當機覲

模印

正傳別卷第十一

面提覩面當機疾報汝凌行婆哭聲何得失婆以
偈答云哭聲師已曉已曉復誰知當時摩竭令幾
喪目前機

使盡機關用盡心無輸贏處話輪贏俊鷹不打籬邊
雀黃鳥紛紛覓友聲
丹霞禪師至慧林寺遇天寒取木佛燒火向院主
訶云何得燒我木佛霞以杖撥灰云吾燒取舍利
主云木佛何有舍利霞云如無舍利更取兩尊燒
主自後看須墮落

不是風顛不是寒肝腸如火熱團團若非碧落浮雲

盡爭見孤蟾出翠巒

大顛禪師因韓文公問師春秋多少顛提起數珠
云會麼公云不會顛云晝夜一百八公不曉遂回
次日再來至三門見首座舉前話問意旨如何座
叩齒二下及見顛理前問顛亦叩齒三下公云元
來佛法無兩般顛云是何道理公云適來問首座
亦如是顛乃名首座是汝如此對不座云是顛便
打趁出院

碧桃紅杏鬪芳菲蝴蝶尋春上下飛祇見落華吹莫
雨不知春色在南枝

換通

卷之三

齊安禪師因僧問如何識得自己佛安云一葉明時消不盡松風韻罷怨無人如何是自己佛安云
艸前駿馬實難窮妙盡還須畜生行

葉盡風停境寂寥巖前古木赤條條遊人更問途中事看取虛空背上毛

臨濟禪師在黃檗會中時睦州爲首座勉令問話濟遂去問如何是佛法的大意聲未絕檗便打如是三度發問三度被打濟便辭檗令參大愚問甚處來濟云黃檗來愚云黃檗有何言句濟云某甲三度問佛法大意三度被打不知某甲有

過無過愚云黃檗恁麼老婆心爲你得徹困更來者裏問有過無過濟於言下大悟云元來黃檗佛法無多子愚拗住云者屎牀鬼子適來道有過無過如今又道黃檗佛法無多子你見箇甚麼道理速道速道濟向愚肋下築三拳愚拓開云汝師黃檗非干我事

盡道盧醫有異方誰知黃檗勝砒霜命根喪盡空拳枉便把砒霜毒大唐

黃檗禪師一日普請次臨濟隨後行檗回頭見濟空手乃問鑊在何處濟云有一人將去了也檗云

近前來共汝商量箇事濟近前槩豎起鑊云祇者箇天下人拈掇不起濟就手擎得豎起云爲甚麼卻在某甲手裏槩云今日自有人普請便回寺乳虎雖然氣食牛當機驗勘貴親酬果能倒握峯前鑊隨處滄波下直鉤

臨濟禪師在黃槩普請鋤地次見槩來拄鑊而立槩云者漢困那濟云鑊也未舉困箇甚麼槩便打濟接住棒一送送倒槩呼維那扶起我來那扶起云和尚爭容者風顛漢無禮槩便打維那濟鑊地云諸方火葬我者裏活蘿

兩箇貓兒一箇獵通身牙爪任施呈扶持全得風顛力老漢而今快一生

臨濟禪師一日在黃槩僧堂裏睡槩入堂見以拄杖打版頭一下濟舉首見是槩卻又睡槩又打版頭一下卻往上間見首座坐禪乃云下間後生卻坐禪汝在者裏妄想作麼座云者老漢作甚麼槩又打版頭一下便出去

臥龍與鳳雛都盧在一岡海宇旣澄清茅廬不須訪黃槩禪師因入厨下問飯頭作甚麼頭云揀眾僧飯米槩云一頓喫多少頭云二石五槩云莫太多

60 1 2 3 4 5 6 7 8 9

80 1 2 3 4 5 6 7 8 9

麼頭云猶恐少狂槩便打頭舉似臨濟濟云我與汝勘者老漢纔到侍立槩舉前話濟云飯頭不會請和尚代一轉語槩云汝但舉濟云莫太多麼槩云來日更喫一頓濟云說甚來日卽今便喫隨後便掌槩云者風顛漢又來者裏爭虎須濟喝一喝便出

逆水興波是巨鼈盲鱠何事亦滔滔鉤頭已得吞舟物今古從他說價高

臨濟禪師半夏上黃槩見槩看經濟云我將謂是箇人元來是指黑豆老和尚住數日便辭槩云汝後坐斷天下人舌頭去枉
破夏來何不終夏去濟云某甲暫來禮拜和尚槩便打趁令去濟行數里疑此事卻回終夏復辭槩槩云甚處去濟云不是河南便歸河北槩便打濟約住與一掌槩大笑乃喚侍者將百丈先師禪版几案來濟云侍者將火來槩云不然子但將去已楔出楔機奪機疑不決去還歸虎須倒手緣何事棒下從來有孝兒

臨濟禪師一日謂普化克符二上座云我欲於此建立黃槩宗旨汝且成襍我二人珍重下去三日

後普化問和尚三日前說甚麼濟便打三日後克
符問和尚前日打普化作甚麼濟亦打至晚小參
云有時奪人不奪境有時奪境不奪人有時人境
俱奪有時人境俱不奪

奪人不奪境

煙昏昏復霧濛濛涿鹿貔貅有應龍斬郤蚩尤歸細
桺軒轅從此代神農

奪境不奪人

咸陽庫藏既全封帝壘分明屬沛公不戮已降誠大
度二章重約見英雄

人境兩俱奪

席卷山河數百州雄雄六國一時休蓬萊高誓渾閒
事肯著盧公入海求

人境俱不奪

垂衣而治是陶唐風不鳴條雨不傷如日如雲咸帝
德萬邦何處弗歌揚

臨濟禪師因僧問如何是真佛真法真道濟云佛
者心清淨是法者心光明是道者處處無礙淨光
是三卽一皆是空名而無實有如真正學道人念
念不間斷自達摩大師從西土來祇是覓箇不受

人惑底人後遇二祖一言便了始知從前虛用工夫山僧今日見處與祖佛不別若第一句中薦得堪與祖佛爲師若第二句中薦得堪與人天爲師若第三句中薦得自救不了

第一句

驅盡耕夫牛奪卻飢人食夜半捉金烏晴空轟霹靂

第二句

閒步出深郵橫吹無孔笛點鐵悉成金還丹祇一粒

第三句

水煮乾蘆菔一餐喫一盃不是嬾逢迎臂長衫袖短

三玄三要

第一玄撞頭不見天萬里無寸艸千峯月正圓

第二玄靈符肘後懸當機纔顧竚鼻孔一時穿

第三玄猢猻夜簸錢燈籠纔拍掌露柱便擎拳

第一要秋山逢野燒颯颯露金風翩翩飛鐵鷁

第二要殺活機輪票言下捉獵龍風前擒虎豹

第三要隨流皆得妙霧起見龍吟風生聞虎嘯

四喝

有時喝似金剛劍海竭山崩天地轉一任銅頭鐵額來直下分身成兩段

有時一喝如師子踞地咆哮百獸外凜凜威風徧界
彰全力不施聲自美

有時一喝如探竿淺深眞贗辨何難主賓若自知時
節把手相將笑未闌

有時喝不作喝用鎮日喃喃口不動拈起新羅鷁子
看卻是丹山五色鳳

四賓主

賓中賓子在陳思量起愁殺人

賓中主子得母驀相逢不相覩

主中賓降絲綸天之下盡吾臣

主中主氣如虎正令行無佛祖

臨濟禪師聞德山垂示云道得也三十棒道不得
也三十棒乃令洛浦去問道得爲甚麼也三十棒
待伊打汝接住棒送一送看他作麼生浦如教而
問山便打浦接住棒一送山便歸方丈浦回舉似
濟濟云我從來疑著者漢雖然汝還見德山麼浦
擬議濟便打

賊賊擎電之機誰識得一支箭入紫雲端三十棒分
翠嶽色阿呵呵見也麼同風千里從來事路上行人
蹉過多

臨濟禪師示衆云我於黃檗先師處三度問佛法
的大意三度被打如蒿支拂相似如今更思一
頓誰爲下手時有僧出云某甲下手濟度與拄杖
僧擬接濟便打

萬仞崖頭跌一交通身粉碎沒纖毫起來獨立崖頭
上推落兒孫是幾遭

臨濟禪師上堂次兩堂首座相見同時下喝僧問
濟還有賓主也無濟云賓主歷然復召衆云要會
臨濟賓主句問取堂中二首座

綠楊深處子規曉翠満支頭月滿谿玉女凭闌人共

見不知姣姣是兄妻

臨濟禪師將入滅謂衆云吾滅後不得滅卻吾正
法眼藏三聖云爭敢滅卻和尙正法眼藏濟云已
後有人問你向他道甚麼聖便喝濟云誰知吾正
法眼藏向者瞎驢邊滅卻

臨濟正法眼是甚破沙鍋瞎驢邊滅卻清光轉更多
睦州禪師喚僧僧回首州云擔版漢
喚轉頭來便云擔版霑利衲僧無處著眼照用並行
今電光輝機輪活潑今有何限陳睦州陳睦州善鼓
弄人何日休

俱胝和尚凡有人參問唯豎一指有一供過童子
每見人問事亦豎指人謂胝云和尙童子亦會佛
法凡有問皆如和尙豎指胝一日潛袖刀子問童
云聞你會佛法是不童云是胝云如何是佛童便
豎指胝以刀斷其指童叫喚走出胝名童童回首
胝云如何是佛童舉手不見指豁然大悟

兒童學語亦堪憐何苦逢人結惡緣縱使一時遭毒
手奈何十指不完全

香嚴禪師上堂云若論此事如人上樹口銜樹支
手不攀支腳不蹋支樹下忽有人問西來意不對

則違他所問若對又喪身失命當恁麼時作麼生
卽得時有虎頭上座出衆云樹上卽不問未上樹
請和尚道嚴乃呵呵大笑
竹邊拾得蟻娘彈樹上高懸瑪瑙盤南海波斯相見
了呵呵笑得舌頭乾

道吾禪師因趙州來豫著豹皮襍把吉療棒拄三
門前等候纔見州來便高聲唱喏而立州云小心
祇候著吾又唱喏一聲而去

吉療棒豹皮襍小心祇候立三門不得潘郎低眼看
奴奴賣俏是裝尙

換述

卷之二

大隨禪師菴側有一龜僧問一切叡生皮裹骨者箇叡生爲甚骨裏皮隨拈艸鞋覆龜背上僧無語卦兆纔分事已彰吉凶何必再商量孫贍收郤門前舗直使人人露賊贓

德山禪師一日因飯遲拓鉢下堂時雪峯作飯頭纔見便問者老漢鐘未鳴鼓未響拓鉢向甚麼處去山便低頭歸方丈峯舉似巖頭頭云大小德山不會末後句山聞令侍者喚頭來問你不肯老僧那頭密啓其意山來日上堂果與尋常不同頭於僧堂前撫掌大笑云且喜老漢會末後句雖然如

昇祇得三季後三季果遷化

滯殼逃封也大差數聲羌笛爲誰家至今三月桃花浪雷電轟轟送爪牙

德山禪師一日謂巖頭云我者裏有兩僧入山住菴多時汝去看他怎生頭遂將一斧去見兩人在菴內坐頭乃拈起斧云道得也一下斧道不得也一下斧二人殊不顧頭擲下斧云作家作家歸舉似山山云汝道他如何頭云洞山門下不道全無若是德山門下未夢見在

把住封疆水莫通將軍空自逞英雄饒伊起倒能生

爭奈蠻王不展鋒

巖頭禪師值沙汰隱爲渡子凡見人來舉棹示之
忽有婆子抱一孩兒來問呈橈舞棹卽不問且道
婆手中兒甚處得來頭便打婆云婆生七子六箇
不遇知音祇者一箇也不消得便拋向水中

祇者一箇也不消二月春風利似刀兩隻黃鸝鳴翠
柳一行白鷺上青霄

高亭禪師參德山隔江纔見便云不審山乃搖扇
招之亭忽開悟乃橫趨而去更不回顧
一搖鞭影便橫趨不是追風天馬駒未動步前擒德

嶠肯將形迹落江湖

寶壽禪師開堂三聖推出一僧壽便打聖云恁麼
爲人非但瞎卻者僧眼瞎卻鎖州一城人眼在壽
擲下拄杖歸方丈

赤手全捉入閼藍是誰不受瞎驢謾無孔笛逢旣拍
版一唱一和韻高寒

雲門禪師因僧問達摩面壁意旨如何門云廿七
雲門廿七達摩面壁若到翠巖拳打腳踢

保福禪師問僧殿裏底是甚麼僧云和尚試定當
看福云釋迦佛僧云和尚莫謗人好福云卻是你

謾我又問飯頭鑊閣多少頭云和尚試量看福以手作量勢頭云和尚莫謾人好福云卻是你謾我又問僧汝作甚麼業得恁麼長大僧云和尚短多少福卻蹲身作短勢僧云和尚莫謾人好福云卻是你謾我

楊子江心泛小舟隨波逐浪恣悠悠等閒撒下漫天罔鰣鱠魚龍一并收罔中徒跨跳天外孰昂頭漁歌聲罷秋風冷萬頃蒼茫動客愁

鼓山國師赴閩王請雪峯門送回至法堂云一隻聖箭直射九重城裏去也孚上座云待我勘過始

得遂趣至中路問師兄向甚麼處去山云九重城裏去孚云忽遇三軍圍繞時如何山云他家自有通霄路孚云恁麼則離宮失殿去也山云何處不稱尊孚拂袖便回峯問如何孚云好隻聖箭中路折了也遂舉前話峯云奴渠詰在孚云者老凍膾猶有鄉情在

虎生三子必有一豹象骨巖高徒勞跨跳

鶩湖禪師一日不赴堂侍者來請赴堂齋湖云我今日在莊上喫油養飽者云和尚不會出入湖云你但去問取莊主者纔出門忽見莊主歸謝和尚

到莊喫油餐

喫得油餐飽未休旁觀證據有莊頭幾多受餓餐邊客滿口垂涎似水流

明招禪師一日天寒上堂眾纔集招云風頭稍破不是汝安身立命處且歸暖室商量便歸方丈眾隨至立定招云纔歸暖室便見瞌睡以拄杖一時趨下

寒風吹不入暖室豈能藏可憐謙獨眼兩處錯商量翠巖可貞禪師嘗參慈明因之金鑾同善侍者過夏善與語知其未徹叱之貞因還石霜明問如何

是佛法大意真云無雲生嶺上有月落波心明喝云頭白齒豁猶作者箇見解如何脫離生死真悚然求指示明云汝問我真理前問明震聲云無雲生嶺上有月落波心真於言下大悟
腦後一搘百雜碎嶺雲谿月兩悠悠解醫何必需參桂鳩毒投來病亦瘳

翠巖文悅禪師初參大愚芝芝問來何所求悅云求心法芝云法輪未轉食輪先轉後生家趁色力健何不爲眾乞食我忍飢不暇何暇爲汝說禪乎悅不敢違未幾芝移席翠巖悅納疏罷復過翠巖

求開示芝云佛法未到爛卻天寒宜爲衆乞炭悅
亦奉命能事畢復造方丈芝云堂司乏人今以煩
汝悅受之不樂恨芝不去心地坐後架桶篋忽散
自宋墮落忽然開悟頓見芝用處走搭伽黎上寢
堂芝迎笑云且喜維那大事了畢

海若幾回愁渴殺卻從河伯覓蹠灣忽然踢著來時
路始覺通身浸碧渟

翠巖璣禪師因張無盡丞相過訪問如何是翠巖
境璣云門近洪崖千尺井石橋分水繞松杉張淡
喜之

門近洪崖井上安尊官已被老僧謗而今若問山中
境向道雙谿月一團

五祖演禪師因白雲忘日示眾去季正當恁麼時
多前季三件事今季正當恁麼時多去季七件事
此十件事數不過者甚多何也去卻七三存一事
是去季說是今日急如箭黑如漆無言童子口吧
吧無足僊人劈胸趨乃云交

今季七共去季三古廟香爐過海南蹋斷蒼龍頭上
角霏霏煙雨出澄潭

圜悟禪師上堂舉僧問雲門如何是諸佛出身處

佛說

高僧傳記卷之三

十一

釋迦

門云東山水上行若是天寧卽不然設問如何是諸佛出身處但向道熏風自南來殿閣生微涼時大慧在座下聞舉大悟

日出巖房暖風來殿閣涼翛然行復坐正體露堂堂大慧禪師嘗握竹箆問僧云喚作竹箆則觸不喚作竹箆則背不得有語不得無語僧擬議慧便打南蠻鼙鼓謳無極北狄旌旛拂未闌巨闕一揮天下定堂堂擺手出長安

大慧禪師一日遣謙上座通張無垢書謙云我參禪二十餘季無入頭處更作此行決定冤廢意欲

無行友人宗元者叱云不可枉路便參禪不得也去吾與汝俱往謙不得已而行枉路泣語元云我一生參禪殊無得力處今又途路奔波如何得相應去元云你但將諸方參得底悟得底圓悟妙喜爲你說得底都不要理會途中可替事我盡替你祇有五件事替你不得你須自家支當謙云五件者何事元云著衣喫飯屙屎放尿駄箇死屎路上行謙於言下領旨不覺手舞足蹈

一道神光瓦古不昧本自圓成何須特地卓爾獨彰今誰悟誰述坦然無事兮何難何易飢卽餐倦卽睡

自家妙用誰能替一自同參點破歸至今不負娘生
鼻

翠巖守真禪師通嗣法天目禮書禮上堂云洪崖
井邊翠巖寺裏山遮半月江礙斜陽不是諸佛眼
睛亦非祖師巴鼻名專使云會麼歸去滕王閣上
卷起珠簾看取十八灘頭煙波鼎沸
煙波鼎沸幾時休法乳皆從太白流誰謂老真無一
字山遮半月古今幽

高峯禪師因雪巖問日間浩浩作得主麼峯云作
得巖云睡夢中作得主麼峯云作得巖云正睡著
時無夢無想無見無聞主公在甚麼處峯無對
一日因枕子墮地作聲忽大悟乃云如在羅罔中
跳出

夢想見聞俱坐斲主人面目甚分明不因枕子敲殘
月爭得殊方定太平

千巖長禪師因僧問如何是祖師西來意巖云野
馬入牛闌達摩未來時如何巖云在西天來後如
何巖云在東土
野馬入牛闌踢踢任君看西天并東土當央受熱謗
忽然謗不得撞頭磕額乾坤窄

九曲慶祥禪師因僧問險惡道中以何爲津梁祥
云以此爲津梁僧云如何是此祥云築著鼻孔
險中以此爲津梁劙樹刀山信步行築著鼻頭猶不
會覆盆休怪月無光

唯菴然禪師上堂眾纔集菴顧視左右云分明記
取便下座

和楚耀麌老唯菴醜態全彰面不慚若是久經行市
客禪牀好與便掀翻

海雲箇禪師參中和璋問某甲不來而來作麼生
相見和云參須實參悟須實悟莫打野樞雲云某

甲因擊石火迸散乃知着橫鼻直和云吾此處別
雲云如何通信和云牙是一具骨耳是兩片皮雲
云將謂別有和云錯雲便喝云紳賊大敗和休去
死款供來猶似鈍生機拶出始驚人衝開百市漫天
罔玉轉珠回著著親

笑嚴禪師一日於金沙灘陽濱塌地而坐二僧侍
側時忽見一沙門執錫緣濱而來貌古奇雅逼前
卓立朗聲問云仁者可識從上相承密論密義不
嚴云密則非諭諭則非義門退後一步以錫橫肩
上翹一足云是甚麼義嚴於地上書一夏字門以

錫圓地一画闊兩脛立上復以錫橫按腹上亞身而視云是甚麼義嚴於地上書一嘉字門卓錫地上以兩手叉腰翹一足切齒怒目作降魔勢云是甚麼義嚴於地上書一之字門分手指天地復旋繞一帀云是甚麼義嚴於地上書一尤字門進前一步又手作女人拜復分手指侍僧云是甚麼義嚴於地上書一蚕字門旋繞三帀於前作禮立於嚴右嚴於地上書一麌字云會麼門擬進語嚴云設到此地更須知有麌者箇時節始得門忽歡喜合爪歎云喎真摩訶衍薩婆若上士耶乃作禮浩

然而去侍僧皆驚喜罔測問云彼是何所沙門所爲復何義耶嚴良久云還識此人不俱云不識嚴云此是應真賢聖所呈乃金剛王變相三昧及三昧王三昧用來勘吾然彼亦將有新證大義離言說最密而最顯激揚向上機須具超方眼紛紛變相辨來端一分疎珠走盤珍重巍巍穿耳客魔佛應知一體觀金剛王三昧王分明觸處露堂

龍池傳禪師因僧問如何是奇特事池云蝦蟆捕大蟲僧云恁麼則不奇特也池云貓兒捉老鼠僧

禮拜池便喝

一句已彰奇特事三玄何待更安排禪和縱爾承當
得電火光中又活蘿

僧問雲門如何是諸佛出身處門云東山水上行
又僧問龍池如何是諸佛出身處池云西河火裏
坐蟲當路臥潦倒放癡憨不知成話墮不話墮鬼面神
頭能幾箇喫

壽昌經禪師上堂云臘月三十日季季卽有之要

似今朝夜世間是罕希大眾且道今夜有甚長處
一僧云殘雪方開徑春風送客歸昌云未在僧云
和尚作麼生昌云汝不鑑乎僧云公孫遺布被大
禹衣輕裘昌云鑑猶未眞狂
季去季來元不變華開華落盡春風要知此夜何長
處石女樓邊撞曉鐘

雲門澄禪師因僧問如何是法身門云背倚秦望
山如何是法身向上事門云有口道不得僧云道
了也門云好狗不逐塊

背倚秦望山腳蹋滄溟水覩面爲君通銀盆盛雪子

天童本師悟和尚二十七歲在俗上山作務見積薪有省季三十棄妻出家祇覺生歟到來畢竟不穩當每請益龍池池唯加罵詈至三十七歲池命監院事一日自城歸過銅棺山頂豁然大悟忽覺情與無情煥然等現趨見池呈所得池印之拾得驪珠百艸頭盧公活計已風流無端踢碎銅山項秦楚封疆一筆勾

龍池師翁一日喚本師和尚入室云老僧昨夜起來走一回把柄都在手裏了汝當爲我扶持佛法和尚云若據某甲扶佛法任他○○○○○都來總

與三十棒莫道分明爲賞罰池休去

鐵牛生下石師兒一吼寰中百獸危家計不須分付得爪牙今已利如錐

僧問本師和尚如何是奪人不奪境和尚云百萬軍中斬顏良如何是奪境不奪人和尚云取了荊州放魯肅如何是人境俱不奪和尚云殺卻陳友諒并吞數十州如何是人境俱不奪和尚云當今天下太平國王萬歲進云料揀亡蒙師指示全提向上事如何尚以拄杖連搆云退去退去

宗旨分明爲舉揚箭鋒相直豈尋常可憐逐塊韓盧

子猶把虛空較短長

僧問本師和尚如何是三寶尚云一頓餉餅兩頓
粥云不問者三飽尚云老僧日日奉持
梵語唐言字不同未經翻譯兩難通東風昨夜枝頭
發吹出山華片片紅

石簣陶會元參本師和尚問弟子久於此事留心
何以迴無入處尚云居士卽今在什麼處陶云有
何方便令得入否尚漏身云但恁麼入陶欣然作
禮

響始覺頭頭奉聖明

僧問本師和尚如何是禪尚云一棒打得髑髏穿
云要有問時如何尚云足方頭頂圓云要有問又
如何尚云口裏舌頭鐵云要有問又如何尚打云
你若喚作禪入地獄如箭射

滔天沃日未爲闊浸爛虛空始是深堪笑不毛山裏
漢頻將折筋探滄溟
元公黃司理參本師和尚問風清月白時如何尚
云大家枉者裡黃云弟子有時做到風清月白時
候有時做到山崩海裂時候畢竟那頭是尚云總

不是黃云如何卽是尙便打黃釋然作禮
十里涼亭五里橋桃華落盡李華飄可憐未到家鄉
日西望長安路轉遙

錢相國參本師和尚問如何是如來大意尙
云居士今日從甚處來錢云從人行過底路來尙
云怎麼則不如來了錢從此領旨

玉殿沉沉絕往還六臣何處覲龍顏一回指出曹溪
路千古名喧太白山

居士問本師和尚如何是無上菩提道尙云俗人
頭戴僧官帽

露柱進燈籠裏立烏鵲向白雪中飛未曾親入天童
室誰識全提玄要機

居士問本師和尚持咒念佛還了得生尅不尙云
了不得云畢竟如何了得尙打云向者裏會得便
了云和尚還有生尅不尙云你若有時我也有你
若無時我亦無

丹砂洞內訪神仙問盡仙方丹未傳卻向仙家尋玉
婦咲看秋水對長天

古雪詰禪師語錄卷十三

標題

古雪喆禪師語錄卷十四

三

士問本相印道者念非是了。哥生入和尚大
室輪牀全昇。及要鉢如何是無上菩提道。僧云俗人
霧卦並鑑簷裏立。急躋向白雲中。近未曾蹤入天童

古雪喆禪師語錄卷十四

法語

示春侍者五則

江河湖海谿澗溝渠皆水也而有淺深清濁之殊日
月星辰皆光也而有小大之別鳳凰鴻鴈皆禽也而
有羽毛長短麤細之不同道一也而有偏圓種種之
見由見有未至故各說異端如羣盲摸象其指出耳
目口鼻非不相似但不得象之全體耳是故學者稍
得一知半見不能廓徹圓融亦猶摸象然安得如威

接連

鳳之翹翔呆目之麗天江河湖海之汪洋無際哉
德山棒臨濟喝祕魔杖俱胝指皆向上提持全機大
用學者不究厥旨才入叢林菽麥不分奴卽不辨是
處胡喝亂棒何異以千鈞之弩而彈燕雀識者未嘗
不爲之嗟惜也

宗門差別語句直須一一透過毫髮無疑始得不可
妄生穿鑿亦不可籠洞推開明得古人意旨然後自
心明去古德誠言豈欺我哉

吾人最惡賴習氣是貪怒癡然有輕重不等未見道
時終日爲貪怒癡所轉旣見道後便能轉貪怒癡其

或無明煩惱逐境遷移不能彊作主宰則生歎到來
依舊一場憾懼

曹谿而後衣鉢遂止不傳後世但以機緣契合爲據
近代學者名根未剪學識弗精唯以衣拂爲事才哄
到手不管七家村裏土地廟中裝模作樣自大自尊
豎拂拈椎逢人賣弄獨不思傳持慧命之任重苟非
真操實履行解相符不足以弘闡宗猷報佛恩德有
志法門者切宜慎之

示禪人五則

學道之要貴在立志專用功純功純則諸妄自息志

專則閒情自遣古來正因行腳之士三二十季依附
 明眼宗師食不求飽居不求安脇不至席一六時中
 攢起兩道眉毛憂戚戚地如瘡瘍人相似欽墩墩地
 見人扯淡則趨而避之見日西沈則哭泣嗟咨見宗
 師提持箇事則如飢遇食如渴遇泉此無他蓋其爲
 生死之志專而參究之功純熟故也近代學者多務
 外無大志初入門來也說箇生死事大問伊如何用
 功也說看箇本來面目及察其所安則胸中毫無箇
 事恰似了道人一般見人學書也學書見人作詩也
 作詩人嬉亦嬉人笑亦笑逐浪隨波荏苒過日竟不
 知行腳之爲何初志之爲何嗟夫如此用功莫道入
 一叢林親一知識直饒走盡四大部洲參徧臨濟曹
 洞下尊宿也祇成得箇老骨董謂之打野裡漢一鞠
 老病臨身死境現前叫爺叫娘叫蒼天遲矣暮矣噬
 噬何及悲夫修遠滋禪者自寶峯來相依未及一載
 而告假者三度吁白法固是一箇種田博飯喫底邨
 僧原非吾知識亦無佛法與人相信則同甘共苦伴
 守寂寥不信則一任奔馳南北吾復何留但到諸方
 被人問著眼眨眨地莫言曾見白法來滋禪臨行出
 紙求示因書此以勉旃

一
卷之二

一
卷之二

三
卷之三

辛卯臘月朔前一日雪嶺攢着梅華欲吐之際有一禪客攜囊負鉢昂然而來達摩峯前合爪作禮凡夫曰巍巍堂堂來何所求客曰求戒凡夫曰持戒但東身非身無所求之何益客曰禪以戒爲基故先乞戒戒以禪爲極故必學禪吾鄉數十里之遙接壤數十刹之衆皆傾渴風欲乘應歸禪結社學佛使禪戒均明白他俱利願勾一語以爲前予凡夫曰善哉希有今天下髡髮而衣繻者如毛禪戒均明者如角所以祖道凌遲正宗不闡公等誠能於此劫火洞然之餘棄應而戒由戒而禪由禪而利他自利則西江

之法道自公輩再振矣夫道無時不見無處不周無人不具者也但以積述之久爲聲色利欲等妄塵所蔽固不能返照自歸必假明眼宗師指點而後知此本具之道所謂迷時師度悟了自度歷觀從上諸祖未有一人不是放下萬緣屏息寂務瞻風撥艸訪友尋師如慈明之結社參汾陽雪峯之合伴謁臨濟乃至一語千山三登九上踢破多少艸蹊始得腳跟點地公輩果能從此吳戒之後誘引同袍立大志結大社繭足千里煙水百城浙東西江南北一人所在也到半人所住也到忽若艸窠裏遇著箇箇猪狗底手

腳葛地親遭一口歸來始好作大應赴所謂隨緣赴
感靡不周而恆處此菩提座譬如釋迦老子棄卻萬
乘之尊攢着雪嶺冷坐六季飢得骨瘦如柴若不得
一點明星刺瞎雙眼爭能分身塵刹隨機接引豈不
是釋迦老子是箇大應赴達摩祖師是箇小應赴夫
如是則唯恐應赴之不多耳焉用乘爲若是打鐃鉞
執手爐戴毗盧帽者葷酒不斷禪戒不知非應赴也
正所謂光頭百姓耳今有行光頭百姓之事而諱光
頭百姓之名正猶執熱而不以濯也果能如佛祖之
普應萬邦而不離此座則思過半矣且道如何是此

座試去衣綫下攢起睂毛東卜西卜忽然卜得著時
大家攜手來洪井洞邊與汝烏藤二十

未入母腹之先自亡在甚麼處住既離軀殼之後自
亡向甚麼處去識得去處始不被生死之所縈纏識
得住處始不爲境風之所搖蕩古來有志之士割恩
愛離鄉井直入窮崖絕巘木食澗飲甘心枯寂以勤
求者求此也雪嶺夜半覩星南陽竹邊一擊而頓悟
者悟此也天下大宗師基布法幢千言萬語乃至棒
喝交馳雷轟電掣以指示學者指此也知此則去住
自由隱顯無礙雖終日住山不見有青山之可住終

日塵勞不見有紅塵之可染此從上達人之標格也
 末世法道凌夷人心怠惰雖入禪門不知禪爲何物
 戒爲何事絕不以生死爲念稍聰敏者則習經懺學
 吹唱以應和檀那廣求細滑英俊者則工字画習詩
 詞以資談柄椎魯者則從朝至暮從暮至朝唯耕作
 是務佛不禮呪不持課不誦食不施鉢積寸累以生
 放養羊畜豕以征利聞善言相誠則瞋以爲欺已見
 客僧食宿則惡之如仇讐借有司聲勢大張示諭以
 絶其往來且曰本山自耕自食并無醃飯盆米夫醃
 飯盆米固當接納方來而自耕自食則客僧遂不得

稍分其惠耶殊不知業已出家則若田若屋若艸若
 木一一皆出信心檀越所施客僧安得無分一寺一
 莓行之諸山效之師授諸徒徒授諸孫相襲成風牢
 不可破欲望叢林再振法道重隆不可得矣嗟乎予
 癸未春遊西山慕亮座主之高風誅茅白法雖火種
 刀耕齒糠歡粥必與十方共之正所謂曾爲浪子偏
 憐客也髻珠菴覺悟禪者從予受具已來經今四載
 践履冰霜通山僧俗靡間揄揚予因以院事付之更
 欲開擴其志以種般若正因母踏今時流弊二六時
 中忙裏偷閒看看生前在那裏住死後向何處去果

能久久不退密密用心一旦築著磕著則覲體現前異日生歟到來自然千穩百當如是出家方爲真報佛恩如是住山方爲續佛慧命勉之

有非常之人必有非常之事發明非常之事須是非常之人在昔有周西土迦毗羅國有非常之人其號曰悉達偶遊四門見生老病歟欲苦逼迫遂生厭離夜半逾城棄王宮入雪山宴坐六年蘆茅穿膝鶼雀巢貞不自知也一夕撞眸覩星豁然大悟是所謂非常之事也嗣後道振西天法流東土聯芳續燄列派分支至梁時有香至國王季子達摩大師特特航海

而來茲土傳佛心印謂之教外別傳不立文字直指人心見性成佛是所謂非常之事也唐宋以來機器漸熟宗風愈彰而公卿大夫宏儒碩學莫不深研此宗爲內外護其間挂冠剗艸如風穴丹霞之流不可勝數皆具大知見得大辯才是所謂非常之事也故張文定公曰自孔孟之後儒門淡薄收拾不住天下英傑皆歸於釋氏而無盡居士以爲知言嗚呼自今日觀之則釋門淡薄又將收拾不住矣不知天下英傑安所適歸乎鑑禪負文武全才稟忠義正氣適丁國步艱難未獲展其懷抱遂斬葷血割恩愛來白法

堂前剗艸向雲峯峯頂結茅雖親友屢招兒女遮留
脫然不回一瞬此亦可謂非常之人也既是非常之
人必須發明非常之事昔香嚴謁鴻山山曰聞子枉
百丈問一答十問十答百試向父母未生前道一句
看嚴不能答乃憤然入南陽縛茅以居一日埽除聞
瓦礫擊竹聲瞽爾大悟且道擊竹聲與父母未生前
事相去多少若也會得始許發明非常之事堪與悉
達達摩丹霞風穴輩把臂竝行苟或未然直須放下
萬緣剪除百念將從前世智聰辯麤重習氣一筆勾
下二六時中單單看箇父母未生前如何是我本來

面目自參自問自審自疑行住坐臥動靜怡閒密密
綿綿勿令須臾間斷驀地築著打失鼻孔不妨來自
法堂前痛與三十拄杖鑑禪自謂初機未達入門捷
徑因書此勗之并示以偈恍慨隳冠大丈夫安名剗
艸越羣儒直須頓徹生前事始可人間作範模
空華陽燄悉是法身遞水傳茶無非妙用爭奈積述
既久妄見紛紜乍聞知識提持不能直下頓徹所以
勞他諸聖出興設百千方百無數權巧鞠其大意無
非要人自證自悟此本有法身而已近來學者多務
虛名不肯實究者邊經冬那邊過夏全無真實痛爲

生歎念頭才入叢林先學轉語頌古哄善知識善知
識見學者有些小聰明相似語句便云某人有箇省
發遞相欺詐疑惑後昆所以一期之中常有幾十箇
稱悟道及乎推勘將來依稀彷彿了沒相干此蓋近代
禪弊若是有血性漢子決不被他牢籠虛度一生耳
羅雲承子從予薙染以來志氣越諸儕輩巾瓶之
暇自肯密密用工茲擬挈囊行腳予恐其心志不堅
生歎不切不免爲近世風氣所移故書此以勗之向
去更莫別處用心但刻刻自問云除卻行住坐臥思
量分別那箇是我底法身忽然失腳踢破虛空正好

歸來迎笑堂中痛領大棒

示居士三則

從上諸聖出世皆觀機說法因時救弊斷非膠柱調
絃者可同日而語所以吾佛世尊於四十九年之間
五時八教之別或權或實或頓或漸偏圓半滿經律
禪淨教綱雖殊鞠其指歸無非欲一切人知有父母
未生已前一段風光而已是故權開淨土法門三根
普攝則曰其土有佛號阿彌陀今現狂說法又云七
日一心不亂卽生西方末後拈華示眾直接上根則
曰教外別傳不立文字直指人心見性成佛又云理

雖頓悟乘悟併銷事在漸除因次第盡然則一心不亂卽見自性彌陀現在說法豈非淨土之禪見性之後直操實履漸盡無始虛妄惡習豈非禪中之淨土由是觀之禪淨根源從來不二頓漸雖異理事無殊後代知見未融涯岸各封者蓋因不達先聖立法之苦心故耳宜川爲西江奧區宗風最盛唐宋之際刹竿相望弓箭之聲禁墮之語霆震海內邇來三災競起萬界滄桑法門龍象藏牙伏爪於千巖萬壑之間而邑中諸君子不忘靈山記莖或結社以修淨業或訂盟以究禪宗濟濟森森轟烈烈初祖所謂震旦

有大乘氣象者非此也耶丙申春予以赴請歸里道過宜川堅明松公偕禪淨兩社居士殷勤修供啓請說法於龍泉予固辭不允因念其向慕之誠特述從上諸聖本懷及禪淨不二之妙旨諸公儻能劈破藩籬親見自性則父母未生前一段風光頓現紅塵堆裏令不二法門復啓東土而金蓮華發偏界香飄西方云乎哉宜邑云乎哉乃易金蓮爲不二凡禪社諸公於朔望之際仍至龍泉同修淨業蓮社諸公於修淨土之餘仍究禪宗關捩彼此互相激揚互相切磋非特禪淨不二卽儒釋僧俗亦不二乃至貴賤老少

60 1 2 3 4 5 6 7 8 9

10

80

1

2

3

4

5

6

7

8

9

城市山林皆平等不二則一會靈山儼然未散於宜川之上矣雖然更須知有向上一著不屬修證悟逃了無禪淨階級待諸公親入不二法門之後再來與翠巖木上座相見

戊戌之秋十月望旦遠山檀越鍾子陳公修設伊蒲塞再四稽首悃請陞座舉揚第一義諦以求嗣胤予以赴請之洪都途次儀式不備辭鍾子復求法語且曰諸佛不違眾生所願故求男者得男求女者得女和尚續諸佛慧命師表人天津梁苦海而蓼莪諸什諱諱孝道以啓覺末流三載之間梓里中感悟者無

限曩歲馳書攀迂正欲有所懇耳今和尚固辭不允陞座願乞指示修何善可以遂其所求滿其所願庶幾不蹈無後之愆予曰善哉問公爲求貴胤以酬孝思乞法語以行善事是所謂善求者也詩云愷悌君子求福不回其斯之謂歟昔給孤獨長者布金祇園建精藍以奉佛當其草創之際嘗與尊者舍利弗親自牽繩區画其地弗忽微笑長者詢其故弗曰長者發心建寺寺雖未成六天宮殿已備者曰何以知之弗乃借以天眼令其自眡果見六天宮殿莊嚴偉麗非人間可及乃問弗云六天中何天最勝弗云下三

重放恣上二重怠惰唯第四重中常有菩薩示生其間晝夜說法諸天警悟精進不懈者曰弟子願生第四重天言畢五天俱隱由是知建立梵刹福感天人信不誣也公今施遠山以奉伽藍捐四事以供三寶雖在草昧經營之際而天宮之福已備矣復從予受三自歸及不殺戒卽至善也儻能體上帝好生之德與吾佛同體之悲堅持不犯則螽斯蟄蟄可立而待也雖然求男得男求女得女諸佛菩薩之悲願接引眾生之方便耳所謂先以欲鈎牽後令入佛智若欲親聞第一義諦須待石虎生兒卽向公道

甚矣三界之無安也而欲界爲最三途固無論已吾人處欲界之中墮五陰區宇遂迷本有覺性妄認浮泡四大爲自身相資身之具爲自家相妻子兒女爲眷屬相童顏皓首貪戀不休殊不知無常老病不與人期一息不來卽同灰壤故三界大師火宅之喻可謂彰明較著者也然諸子幼稚無識耽著五欲東西馳走不思求出竟爲烈火所燒得不幸長者之波心哉雖然卽此火宅裏面具有清涼世界刀兵水火侵害不得入風五欲擾亂無門故六祖云誰知火宅內原是法中王第吾人未嘗惕然返省耳昔舍衛國有

兄弟四人入山學僊得五神通自知壽盡悉圖趨避
一藏空中一藏海裏一擘山兩半入中還合一入市
中俱不可得脫三界大師聞之因說偈曰雖然藏在
空及處大海中假使入諸山而欲自翳形欲求不外
地未曾可獲定是故精進學無身乃爲寧悲夫無身
之說非參悟莫委生歟之患非無身莫除蓋五陰之
身既空則本有覺性頓現本有之性既現則覓生歟
了不可得矣彼神僊者流雖得五通御風乘雲猶未
見性故不獲免於無常之苦耳虔州用韜郭子淡信
佛語厭離火宅久遊龍德之門學參悟法客冬聞予

抵虔不憚祁寒遠迎殷勤請法予修途勞頓辭郭
子再請乃諾以今歲詎料春夏以來杜門養疴老病
益作日漸衰朽因書數語以代陞座幸毋謂非第十一
義而忽之也郭子其勉旃

授九峯白長老法衣華鋪錦上語播坤維九峯果熟
四海香吹信衣授爾爾其最之博接英靈紹乃宗枝
示靖藩李太夫人并授戒衣

如幻三昧是諸佛母壽等太虛河沙莫數我來與東
原爲佛事道人成之紫金光聚戒是慧根佛佛相授
時披法衣三學偕就一切如幻乾城露珠頓悟自心

換連
五言律詩卷第十四

女中丈夫

贊

釋迦文佛銅像

塵刹全彰是大雄堂堂妙相古今同因從數粒胡麻種行歷三祇遠劫崇鏡智已圓空泡影悲心時發悵童蒙娑婆億界緣初熟天竺一千門日正中白象倒騎翹鳳闕青蓮端坐出王宮三乘法布悲無盡八十形銷像未窮鏤石鏤檀還鏤玉烹金烹鐵復烹銅萬斤模脫三季裏丈六身成百粵東未細琢磨仍有漏再加補飭始爲工通身自是金光紫寶髻從斯吳日紅

殊勝儼然兜率降精嚴不異鷲山逢王臣共慶酬初願樵牧同欣見大功南浦香花迎驛路西峯鐘磬遲芳叢二千餘里經旬至十八高灘一棹通瑞氣已先凝翠竇祥光應更耀寒空願言久住人間世度盡天人暢本衷

千佛名經

過現未來三世佛皆因敬禮五十三五十三位婆伽羅一一皆從妙光說妙光佛說釋迦聞展轉相傳至今日聞名禮敬如河沙成佛何啻三千數我亦三千數內一幸生釋迦像法中獲聞如是殊勝名猶覩妙

撰述

卷之四

四

光親口說試問妙光佛當時五十三佛從誰聞釋迦
聞在三千先何以成佛居賢劫如我思惟此妙義佛
與眾生本平等賢劫星宿及莊嚴猶如翳眼見空華
眼中翳落空華滅三千佛亦本無名自心念念釋迦
生自心念念妙光發自心念念轉法輪自心念念降
魔外自心念念度眾生自心念念空三際八萬四千
三昧門一一皆從自心入八萬四千塵勞海一一皆
從自心出了證自心本來空塵勞三昧將安寄聖名
凡號總虛聲一切法中無住著復從無住法中起示
現空華鏡象形建立殊勝希有事或權或實難思議

七佛有序

一切時中如是觀成佛何殊眼中屑一切時中如是
禮曠劫業猶湯消冰我今稽首說是贊如蠡測海管
笑天四十八尊活如來應信因我得禮你

癸巳臘杪雨雪迭作趺坐之餘偶閱傳燈初卷首
列七佛且按阿含云七佛精進力放光滅暗冥乃
撫几太息曰嗟乎一切眾生常處暗冥者怠惰之
故耳去聖時遙人多若此安得古佛再來曉此長
夜耶因不揣寒陋特織蕪辭百拜稽首而爲之贊
毘婆尸佛

婆提城內古如來心識渾無正眼開樹下嘵嘵三會
說偈中歷歷一時該幻人步月臨千嶂鐵馬追風上
五臺謗謂莊嚴爲遠劫祇今現狂語如雷

尸棄佛

觀破風燈聚沫身閻浮隨處且同塵淡明善惡皆虛
幻卻懸言聲昧至真七萬歲人親得見百千季後與
誰鄰遙知鬱密分陀利一度華開一度春

毘舍浮佛

九霄月運絕途程千佛何妨最後成地水火風龜背
髮身心世界闡婆城紙衣不借機非妙樓子情空眼

自明四句伽陀令古在未知誰共契無生

拘留孫佛

賢劫中居第一尊談何法可利兒孫金剛圈細應難
透栗棘蓬麤不易吞身見既亾珠燦燦凡心未盡月
昏昏佛人固是無殊別幾箇曾親達本源

拘那含牟尼佛

歟生夢破坦然歸苦海茫茫應萬機向道有知卽是
佛誰知有佛亦還非止唬每每拈黃葉入市頻頻挂
垢衣烏暫樹邊消息在幾回風送白雲飛
迦葉佛

波羅奈國示生時火裏優曇祇一支二萬人沾新法
乳三千界覩古風規珠藏衣內何曾失効挂眉端更
勿疑直下了然親見性師姑原是比丘尼

釋迦牟尼佛

百億分身箇老翁願淡豈啻降王宮千華競秀春歸
樹四海騰輝月在空夢裏金人遊震旦傳來嫡骨是
天童心燈燄燄原無盡何幸吾生續大雄

文殊大士古者禪師請

七佛師五臺主獅子兒常作侶日日談玄口不開策
起眉毛親聽取

普賢大士洗象圖

餅無涓滴水互古用不竭象無秋毫埃終朝洗不歇
洗得歇大地山河一片雪

觀音大士有序

五龍城北有荒岡曰章陵不知從何處降下古觀
音大士一尊高不盈二尺其顯應如答響四方之
輞謁者扶老攜幼肩摩踵接殆猶勝於補怛洛伽
己丑秋予赴翠巖請道經章陵得一瞻禮之辛卯
春亦饒剴公以大士誕日詣翠巖稽首請曰敝邑
僻壤也而大士屢示現其地若城崖若章陵先後

感應如生此亦敝地衆生之幸也願句一贊以報
深恩予曰感應乃大士之餘事也如公輩之學孔
孟然但患其不能爲孔孟耳夫旣已爲孔孟矣則
糠粃土苴亦足以陶鑄亮舜又何患乎修齊治平
哉公旣欲報深恩直須頂顙上逰出金剛眼睛親
見大士面孔始得公曰若據金剛眼睛大士也著
伊不得予笑曰且喜與大士相見了也公載拜稽
首而退因援筆以爲贊

淡抹濃裝婆心笑面淨土穢邦無刹不現提魚入鬧
籃活蛤登金殿碧樹轉黃鸝雕梁飛紫燕處處啓圓

通時時施方便可憐今古人觸目不自見忽然見五
龍元枉安義縣

一點慈心千變萬化奩女形容不借而借蒲團寂寂
獨跏趺舉世何人是丈夫無限風流描不盡笑看皓
月落江湖

老婆習氣未曾除小小籃攜大大魚舉世無人能著
價至今獨立枉閣閭

具足八萬四千臂爲人聊現一十八雖持劖槊示威
雄無始劫來未嘗殺雖坐千葉蓮華臺百億分身徧
塵刹面門豎亞摩醯眼根器萬殊無不察或折或攝

或慈威究竟無非令苦拔苦因拔盡樂因生便是人間好菩薩

普天之下莫非吾兒兒心所願吾豈不知是故求男者得男求女者得女求富貴壽考爵祿利名與夫辯才智慧三明六通及八解脫者靡不相許所以天擁衛乎雲端龍侍立乎洲渚海門風卷浪華飛綠楊漢處鸚哥語鸚哥有語卻無聲大士圓通已十成誰謂僧繇描不得卽今面目太分明

片石可趺羣華自發獨有寒梅馨香枉臘通身爛爛盡黃金舉世誰人觀此音觸背二途俱透脫鳥鳴幽

谷總禪心

捏串數珠抱膝坐坐下蒲團幾劫破春風浩浩鳥關關報與禪流休錯過

水一盂兮柳一枝錦鱗躍起互相窺窺來內外渾無物正是圓通開眼時
煩惱海裏分形怛補巖前宴坐親證耳根圓通始知飯是米做疎竹下懸崖頂靜觀之皆幻景欲證圓通門目前須自惺

默然踞狹而譚童子袒腹而聽通身不挂一絲始能

三十二應

以妙戒爲淨水以慈力爲楊枝歷遍塵沙除煥惱依然寸步不曾移

獨步大方不移半跬祇貪度人忘卻自己紅杏顚珂
雪齒烏木珠白玉指多少癡男兒日夜思量你咄
嬌態美如華凝心堅似鐵論劫爲人忙持餅又持葉
欲灑熱惱清驢年也未歇誰知聖與凡總是水中月

送子像

芝菴周別駕請

慈至極漢子亦可送非是情緣孝思爲重千里之狗
九苞之鳳如意頭邊一時俱貢

不離洛伽普門示現不斷髮鬚恒彰本面如何是本
面東谿皓月西谿見

不離蓮華臺分身徧塵刹譬如春風吹百華一時發
所以應羣機有求皆響答富沙行琅陳心期在顯達
補袞既已閒且圖出世法我今爲先客大士幸漢營

檀香羅漢

手捏胡盧身披木葉

六賊俱擒萬國安通身一具白栴檀胡盧倒捏藏何
藥木葉橫披凍不寒台蕩罷遊唯踞坐人天頻供亦
備餐眾生病劇還知不掌內靈丹試借看
布袋和尚

遇逆不順隨流不惑柄巷華衢刀山火宅布岱雖寬
眼孔郤窄龍孽三會下生時半箇惡人容不得夫是
之謂真彌勒

廬山香爐峯景法師

有序

齊大沙門景公衡陽人結屋匡廬神人共仰一日
語門弟子曰吾壽當九十但餘年無益於世而四
大有累於人思拚助眾生不得久畱此乃端坐合
掌曰願卽生三途救一切眾生苦瞑目而逝予閱
至此掩卷長歎曰真大乘苦薩弘誓也乃稽首爲
之贊

夢落三途中倉皇毛卓豎覺來了不驚目前無可觀
衆生知在夢自苦一時愈爐峯大沙門示作天人父
臨行無別詞一語超今古願卽生三途救彼衆生苦
良哉願何深滄溟焉足數稽首悲願王願躡茲步武
達磨尊者

一葦截千流全身無向背若道是神通依前還不會
會不會今古長江如鼎沸諭大則圓頓半邊風火
石輦藏禪師

逐鹿趁牛雄心未改射得半箇又遭人拐至今弓箭
尙全提誰是英靈識此機復云看箭

龍池傳和尙

瘦骨棱層雙肩挺特荷笑嚴向上不傳之真宗契溥
沱獨脫無依之正脈覆一笠以淡韜入千峯而誰識
法雷忽響荆谿山兒孫亡徧大明國賊半邊鼻孔今
拈得

天童悟和尚

一丁不識老樵夫撞入龍池氣岸巖踢倒銅棺天地
窄高提鐵棒佛魔慄惡聲流異域毒氣滿江湖聞之
者怖見之者孚非但使辯者訥聰者聳智者愚抑且
能令活者歟歟者蘇盡道獨獈再來誰知濟北風頭

又轉軀無法說策都盧兀坐匡牀風愈孤一千五百
常圍繞誰敢當前守虎須黃面老見也無正眼從來
付瞎驢黃介子居士請

示生寒微家每懷出世想既壯棄妻孥事師類廝養
龍池關未摧旦夕深悵惆偶過銅棺山家私一時蕩
三度辭拂衣六據各方丈一行與一言末季真標榜
中興濟北宗一條黑漆杖擣盡野狐窠兒孫徧天壤
我雖腳下兒自慚百不象稽首贊師真千峯月初上

大覺山翁和尙寫寄

大覺師兄親寫得寄與西山小瞎驢天子呼來曾不

標題
述

吉藏傳鑑卷一四

動何緣肯降翠巖廬渠卽我我非渠七尺烏藤雙手
捏儼然太白令行初

抹殺五家宗旨瞎卻四海眼目一味奪食驅耕到處
取髓敲骨生得迂逆兒孫滿大明箇箇罵祖罵爺兼
罵佛惡名塞破乾坤喚作曹谿正續且道是誰天童
老禿

蓮首座請

眼裏有珠舌頭無骨不是禪師亦非古佛喝散銅棺
頂上雲踢翻濟北蒼龍堦要知白法源頭看取天童
面目咄

白法觀首座請

黃巖峭拔萬仞盤空谿迴路轉巒抹霞封崛起而爲

西甌千山萬山之祖者亦猶天童太白之卓出乎明
州之塢也巖之巔曰妙應峯秦漢而後僊跡接踵岐
儻梅福往來憧憧而祖道無聞焉丙申春王巖華盛
開予從西江一杖歸來始弘先師之道於此山此山
峙西甌天童踞東海相去千里餘吾師道常在後昆
未識師好向黃巖寺裏白棒頭邊猛自著精彩

黃巖寺請

踢倒銅棺千古永覺泉石悠然儘堪獨樂太白爐邊
盡力吹茶熟煙消香正奇半盃快飲宜川上一默能
開四叡疑

承覺師請

南嶽山中見伊蘭便作栴檀用銅棺頂上逢沈速卻

提連

古文釋義卷十四

當爛柴燒口如扁擔眼似睂毛一雙空手赤條條問
著當頭惡木澆兒孫滿地成狼藉若箇超歟物外高
徑山雪嶠師太

那一竺來泰桶不快打破疑團虛空粉碎從此摯風
摯頰枉處爲殃爲害遇魔不瞋見佛不拜嗣龍池而
不肯龍池之語句廉纖罵天童而卻喜天童之作用
超邁閒吟活句百千篇淡寫青山三兩塊喫枯茶罷
便抽身生歟關頭真自枉夫是之謂徑山雪師太

真寂聞谷印師太

德訓者舊請

飲龍池水布雲棲雲教人念佛德訓久聞鼗鼓聲中

如大徹先後天心不必分

顓愚大師

入空印室契圓通自華發五臺菴中果結石頭城裏
向人自稱我無起止子細檢點將來正是抱橋柱漂
洗而今喜離葛藤窠壞笠枯筇也自多颺下不須收
捨得坐看明月挂松蘿

雲門爾密復禪師

壅壅腫腫邇邇邊邊雙耳聞鑼卽便聾兩眼看山一
似瞎若耶谿畔撒土拋沙石繖峯前橫該豎抹道是
散木一支何異澄江浪發齋瓮深深葬錦鱗我亦幾

乎被淹殺淹不殺千古萬古乾坤闊

五峯學禪師

三日禪人詩

君是老大哥我是最小弟支葉雖不同且喜同根蒂
不讀東魯書卻會西來意七月東瓜艸上橫琅琅擲
地作金聲一言自可傳今古何必千箱與萬籜

龍池萬如禪師

龍池猊座塵埃欲滿不是吾兄誰能紹繼萬指叢叢
于峯岐岐福耶慧耶人天叵測

少林道詮和尚

佛頂寺請

不受少林帕子卻是達摩嫡骨接得跨竈兒孫可稱

八閩古佛

碧天太祖

偶爾未披衣非是不受戒直續少林宗豈希罕鉢袋
宴坐嬾說禪知有兒孫在且道是阿誰佛頂老師太
體空受業師

千年氣象壯禪關已懸黃巖之識一條榔栗遊江海
洞明夢筆之宗小子無知卻紹天童須信根源忘不得
不煩揩背已同風

自贊

身似翹松之鶴心同出水之蓮雖紹盧公之後卻居

機遇

華嚴說經卷十四

三五

王佛之先釋迦峯下藤條惡曾把虛空痛著鞭面目
果然邈得像聞名千古任君傳

蓮首座請

亮公洞裏眠雲麻葉糠團常作飯洪崖井邊話月捏
雙空手便成家繼曹谿三十四世不傳之心燈棒棒
見血走支那百千萬里忘軀之布衲法法無差鐵壁
摩空如觀得庭前枯竹穆梅華

白法翻首座請

天曆一書生西江大和尚名相有千差本身無二樣
雖嗣臨濟宗不拈臨濟棒手握銅如意佛來也不讓
瞎卻人眼睛破卻人家當如此大惡人豈可受供養
分付黃巖眾弟兄快些趁下山前深深葬

黃巖寺請

數莖瘦骨如柴一雙眼孔天大要逼生蛇化龍擊碎
無邊腦蓋翠巖黃巖佛頂次第已歷三會座下聽法
者誰師叔師伯師太形儀陋劣不堪何事紛紛描繪
祇爲螺髻峯頭開法是第一代

佛頂寺請

儒名陳國賓釋號古雪喆究竟兩不通胸中墨漆黑
既賴佛逃生又揚佛醜拙手拈如意子慣點金成鐵
三處攬叢林惡名徧江淛語錄幾汗牛猶自滔滔說
歸來故里中終翰灑淚血孝行未能全道亦何曾徹
曉作活祖師口唇定笑缺分付振先公莫把栴檀熱
天曆陳振先居士請

60 1 2 3 4 5 6 7 8 9

10

80

1

2

3

4

5

6

7

8

9

卷之十四

東方隱士詩集卷之十四

七

者箇窮乞相豈可上丹青長季不念佛鎮日不談經
懵懂卻有三四擔霑利都無一兩星微瞎天童正法
眼虛名千古挂禪庭

無念禪人請

說你是真錯說你是假錯卽假卽真錯非真非假錯
翠巖和尚諾如何得不錯鎖閣黎惺惺著

鎮禪人請

本是福建山裏人喚作中興翠巖祖極禪要明普化

機雪際梅華香正吐

極禪人請

我無你莊不得你無我雙眼黑矮裏水波中月是阿
誰翠巖賦

行莊請

翠巖真面目佛眼莫能窺默坐毗耶室希音徹四維

行音徐居士請

陳相公之兒黃巖寺之僧豫章七返迎將去祇爲親
傳太白燈

石菴陳文學請

有時打佛有時鑄佛鑄佛時烈燄亘天打佛時痛棒
徹骨權巧百千般曾中無一物夫是之謂翠巖老瞎
禿

超權孫居士請

志在煙霞形遊城郭湛水寒蟾明天孤鶴紹臨濟不
傳真宗提天童向上一着續燄聯芳十九人詎意虛
名附驥末鎗渠無名貌休圖度

明天馮居士請

韶季探魯誥滿壯文章不救貧離塵寃竺墳通身佛

拂逆

高僧傳記卷第十四

法難醫病慣捉黃牛作馬騎嘗磨青石當銅鏡箇樣
村僧村到家何事 王臣咸恭敬就中郤有一毫長
親見天童大法王

超章王居士請

孝子無時不念親忠臣無刻不懷主曾耶身在五羊
城念念常思八十母求偈壽親復求像遙寄廬陵母
供養我像無相亦無名誰是翠巖大和尚曾醫官請

古雪大師翠巖和尚悉是虛名那堪供養不學嵩山
單提白棒天童門下十餘人唯有者漢宸無狀咄

楊參戎請

古雪喆禪師語錄卷十四

古雪喆禪師語錄卷十五

嗣法門人傳我守編

復桐城汪刺史

書

承念承施至再至三德薄行微誠難消受然艸衣木
食穴處巖居乃上古之風規亦道人之本分此貧衲
所願學而未能者也嗣後幸勿以區區之故動勞神
思但望於參究之功倍加精采來教謂心意散亂不
能禁制計惟辭去官衙逃歸林藪者貧衲道也不消
得盡大地是箇解脫門徧十方是居士自己更擬逃

60 1 2 3 4 5 6 7 8 9 10 1 2 3 4 5 6 7 8 9 10

換
連

聖
經
註
卷
五

歸何處乎殊不知官衙裏也有佛法鬧市紅塵中也有佛法所以淨名云塵勞之儔爲如來種六祖亦云離世覓菩提如求兔角昔趙清獻參佛慧後仕青州政事之餘多喜晏坐忽聞雷震大悟述偈云退坐公堂虛凭几心源不動湛如水霹靂一聲頂門開驚起從前自家底渠又何嘗狀誼求寂逃歸林藪哉須知此事貴在善用心應機接物頭頭勿放過若不善用心直饒屏息衆緣依然坐枉無事甲裏終無悟日所以前對居士道但向一念未生以前看取行也看坐也看閒也看忙也看忽然看透方知舌頭元枉口

裏閒忙動靜如太虛之片雲生滅去來若長江之幻泡不妨乘悲願力現隨類身誘引同倫齊登覺岸非特追清獻之步武抑將與淨名而把臂矣又來教云拌取身命竭盡參求一生不足繼以再三悟徹爲期自他俱利此非夙具靈根安能發是堅固誓願哉欣羨欣羨但能如說而行尅期可得貧衲當跂踵以望也

復會稽膝孝廉

譯
禪

履端伊始遂承枉顧苟非真切爲道焉能若是之汲汲耶欽羨欽羨衲昨以行追弗及細談淡爲悵怏阻

雪征途忽辱嘉惠遙頒不勝愧汗捧讀手諭知足下
韶年好道且遇明師遂窺聖學大要而間斷不恒渾
無得力處所以耿耿隱憂未嘗一日去諸懷抱貧衲
竊謂卽此耿耿隱憂便是入道最喫緊工夫在今天
下之士終日快快悒悒不憂貧則憂富不憂名利爵
祿則憂妻孥子女誰肯孜孜惟道是憂耶又謂向來
只作求靜工夫若欲於此際了歟生必須有箇悟入
處方得奈障蔽過厚每一返觀迷悶悶不得穩當
不穩當志便易衰再似從前作轍究竟不能出頭以
故深自憂懼乃至討箇箇捷工夫爲第一義於諸經

教隨分參證者貧衲謂若據第一義則無工夫可做
無歟生可了無凡俗可離何故盡十方是箇灑落解
脫底人何處更有一物與伊爲緣爲對爲障爲蔽爲
侶爲伴哉所以蘇長公妙悟之後便解道豁聲便是
廣長舌山色無非清淨身張侍郎一聞蛙鼓頓釋疑
團便解道霜天月夜一聲蛙撞破乾坤是一家楊文
公於兩箇大蟲相敵語下頓徹便道八角磨盤空裏
走金毛獅子變作狗此數老皆儒而禪者也足下試
看諸老悟後之語何等超脫何等透徹此豈剽割記
誦之學可彷彿其一二哉正如足下所謂若欲了生

脫歟必須有箇悟入處始得否則求靜厭喧也錯動
靜交修亦錯身體力行如金如玉惺惺不昧了了常
知總是盲修瞎鍊弄業識認光影未是大解脫境界
所以先聖云毫釐繫念三途業因譬如情生萬劫羈
鎖蓋凡聖情念未空知解道理愈深見性愈難故云
入此門來莫存知解又云理障礙正知見事障續諸
生歟欲得二障銷融直須懸崖撒手一番始得至謂
儒修釋修原有分別者此則在人不枉法如上所舉
蘇張諸老未嘗非儒儻不求妙悟雖方袍圜頂亦無
交涉耳馬師公案未透二語尙欠妥貼參究之志斷
不既

復南昌蕭憲副

諱應聘

不可衰一切世緣漸漸放教冷淡去自然工夫得力
未有終日紛紛擾擾而克證無上道者忝承下問不
覺葛藤如許蓋以途遙唔艱不敢辜負足下一片真
誠知不以山僧爲饒舌也臨楮神馳幸祈爲道珍愛
不既

未瘳弗能躬領大教唯日夕與湖海衲子焚修以答
涓埃於萬一耳

復南昌周大參

諱之恒

企想玄風末繇晉謁風雨鷄鳴之感抑殆有日矣所
欽誦者釣示創頒立破魔軍之膽再捐清俸宏闢檀
度之途是其惠霍仁麤溢播於方之外者固深大若
是矣詎直豫章閩閭一路福星已哉久擬肅函申謝
奈以託迹林隈未容造次乃辱教言錫之佳什聲塵
寂處振太古之玄音川嶽破時開歛光之生面翠巖
一袈裟地耳威光所屆旣辨幪之若彼復揄揚之若

此豈非靈山受前示現大宰官身而爲之說法也哉
敬壽棗梨以垂不朽餘圖晤教罄所欲言不備

復南昌李兵憲

久仰台臺乘菩薩願現宰官身爲法門之金湯作生
靈之怙恃某緣鄙野抱拙窮巖雖未獲拜下風已承
台光遠照茲蒙翰名飛錫章門登臺說法亟宜奔趨
奈以賤軀染疾自秋徂冬飲食起居俱未復元山中
藥餌甚艱尚欲求醫以自治又安能扶病說法哉方
命之罪伏祈原宥肅此奉覆不一

復奉新宋御史

諱一貞

曩歲蒙惠佳什如獲夜光日置案頭時沾風味茲復承示雄峯諸作不惟增光泉石且與大智重開生面矣展手說義大意目前豈非現宰官身而爲說法欽羨欽羨翠巖山色承少宰令親翁一披雲霧漸見青蒼但卽景詩題未荷驚人之句今春擬躬候興居面領至教而病骨離披不果所願遙知台光所被高下俱周勗不以西峯爲異邑也臨楮曷勝瞻切不宣

復安義劉廣文

辭承寬

接手諭悉起居清安種種稱意喜慰喜慰然稱意事爲順緣不稱意事爲逆緣遇逆緣則忼慨悲歌逢順

緣則貪著無厭不知逆順二緣如龜毛兔角良由衰利二風飄鼓誠浪故致八萬四千塵勞煩惱諸門一時俱啓此舉世人通病耳來教謂實欲就中打出隨緣以應而寸絲不挂者自在獨露一頭不忘珠峯一掌之恩者足徵左右靈根深厚一撥便轉其超出世人萬萬矣古德云得在刹那間履踐須長久左右既信得此段奇特因緣直須如說而行如行而說日居月諸久久不變則無始麤重習氣漸漸銷融世法佛法打成一片然後隨緣以應處由來不挂寸絲寸絲不挂時不妨隨緣以應卽塵勞煩惱門翻爲大解脱

道逆順無拘歟生一致所以道但盡凡情別無聖解耳左右其勉之

復瑞州陳文學

譚發新

夫法界純真之理唯吾佛親兄親證表裏洞然故能不舍一物不取一物所以百億分身如鏡象水月初無生滅去來豈有成壞空往譬若春之在華全華是春水之成波全波卽水從上佛祖親見親契至此故拈華豎指行棒行喝直指一切眾生不離聲色堆頭頓見金剛不壞之體是以涅槃後有全身不壞者有舍利如雨者有齒牙流輝目睛舌根不化者及千百世而下猶可以福利天人是皆從慈心三昧中流出非比外道業種性命雙修搬精運氣之輩可同日而語也今佛牙瑞現筠州益達人感應道交之所致百韻佳什足徵博雅承命刪改故僭爲批抹貧衲敢謂足下祇知崇敬佛齒實未見佛身在何則夫齒牙佛也拳指亦佛也豎指擎拳則爲詎嚇而露牙現齒獨非詎嚇乎若謂佛已去世數千季而齒不壞所以爲奇今人所豎之指終歸腐爛不足爲異如此見解正未達法界純真之理萬法歸一之宗焉能脫離生死頓超分段乎足下於魯誥竺墳胸羅萬卷不妨玲瓏

60 1 2 3 4 5 6 7 8 9

10

80

1

2

3

4

5

6

7

8

9

踢透若是宗門下事猶隔一綫枉差以毫釐失之千里貧衲昔年初作八股閱竺墳時便知此身是假合底終歸敗壞一靈真性是不壞底夏古常存及至出家行腳見宗師提倡不啻鴨子聞雷盲人昧日方信宗門別有長處不敢艸草忽忽直至命根碎地斷後乃知從前皆墮歧路不免認魚目爲明珠耳末法士大夫學道者一肚皮自是自滿唯喜人奉承愛人贊嘆山僧卽不外交愈淡言愈直佛法不是做得人情底寧可不信不敬不理我便休必不敢曲徇世諦瞎人眼目足下幸宥我於形聲禮法之外可也

復鎮江笪明府

承諭此著於日用間矛盾特劇乃至終不敢便謂小歇場卽安樂地者此正所謂識法者懼耳今天下學佛者纔入叢林領略得些門頭戶口邊事坐在意路窠臼中及至惡習現前依然走作或遇流俗阿師阿訣奉承歡喜不了若遇作家勘驗將來便生瞋恚求其如門下之真踐實履隨處解脫而且不自欺不自歇必期親到大安樂地非大根器孰能與於此哉忻羨忻羨但貧衲不審門下指何所爲大安樂地憑何得到大安樂地幸當有以教我公餘尙冀枉駕空山

檢述

互相酬唱使龐馬之風再見於今日是所望也

復洪都熊廣文

譁文登

春間行道弗及躬詣毘耶室中言別歎甚想近來台
履亭嘉道味日濃也某踈慵暗昧動多謬舛幸蒙不
棄垂念祖庭歷年弘護無斁故使堂殿煥然而鐵画
銀鈞五大字如渴驥奔泉怒猊抉石額之大廈之上
非特壯觀祖庭抑足以使一闡提篾戾車之流知宰
官中有大菩薩也銘謝銘謝夏間祭掃之後哀感過
度形體頓衰念茲浮漚無復長久於人間世也緬惟
松風堂畔爐香茗椀禪椅蒲團三多旣全萬緣不擾
正應援透祖師關常作東土維摩詰是所望也路遠
山遙會晤無日伏惟珍攝不盡依馳

復洪都熊少宰

譁文舉

成住壞空世相所不免久生聚散幻軀所必然是故
先聖知有無成無壞無死無生一著子乃能空華世
相唾涕幻軀而於聚散成壞之際澹如也去聖既遠
裨販益多眎田園屋宅爲已有貪戀護惜至老死而
不忍割舍者滔滔皆是苟如是則焉得爲解脫僧平
某不敏竊嘗聞先聖之教矣又豈敢蹈時流之覆轍
乎辱命灑埽祖庭七八年來不惜身命爲法求人實

欲行己所學之道以報知己非有他也譬如士之仕
也或鴻臚太僕或黃閣朱門無非欲翼贊聖明澄清
海宇豈區區以朱門黃閣太僕鴻臚爲念哉疊蒙台
令再住翠巖自愧緣薄力不從心且衰病日增無益
於世萬祈寬宥俾衲得投老煙霞木石之間不爲夢
幻空華所翳則弘護之功寧有既哉肅此裁謝不盡
縷懷

復洪都陳司理

諱弘緒

三年違教七度遠招入春以來翰音疊至苟非乘大
願力呵護祖庭安能至此銘佩銘佩竊謂祖庭功業

浩大非薄劣所能合鐵者非敢以翠巖置之度外而
以桑下爲釘楔也自去歲砌墓而後感傷悲涕賤體
益尪羸諸病頓發形未老而先衰此區區凡情有不
容自己者豈敢眷戀故土而暫忘大護法之高誼哉
來諭銅像亦次第有成局不幸化土遽煩亟須山野
身坐翠巖示信於遠方以結勝緣不可失此機會者
敬如教命然山野有一問昔趙州云木佛不度火泥
佛不度水金佛不度爐真佛內裏坐敢問左右那箇
是真佛若箭鋒相直則不幸十載相知千里之外常
相見也不然尙俟木樨華開扶病一來與山谷結此

換述

正言傳印光金言卷三

勝緣正所謂機會不容坐失也肅此奉覆無任神馳
復洪都彭參議

(詩份)

景仰高風未遑晉謁然神交千里又未可以形迹論
也昨無念禪人攜龍舒淨土文并大疏至益見左右
不怠靈山囑付示現宰官身隨類隨機以化導羣生
者也至謂易濁界爲樂邦不作二觀不作二念亦不
作一觀不作一念則又超出龍舒一頭地矣非親見
作家宗師入不二法門者安能若是哉欣羨欣羨某
竊聞先聖出世本懷靡不爲一大事因緣故益衆生
根器萬殊不能一槩直下承當不得已乃有權實頓

漸偏圓半滿之談皆因機因時初無定法遇上根利
智者與之論第一義中下二機則以權漸之法而攝
受之今所謂淨土法門權漸之謂也執圓頓而廢權
漸固非矣執權漸而毀圓頓得無謬乎然法久弊生
非特參禪一門爲然卽三教九流乃至百千法門莫
不皆然其起弊在人其救弊亦在人不可因人而廢
法若謂參禪弊多傳燈諸老皆未脫輪回則世尊不
當拈華達磨不合西來矣今龍舒文中廣引無根事
迹以證參禪之弊其爲誣汚五祖真如者姑置勿辨
祇如青艸堂後身曾魯公一段且謂宋朝有一艸堂

其一曾受曾家婦人供養感恩不淺乃云老僧與夫人作兒子化後果生其家登高科作宰相不貪愛永在輪回云云及攷之傳燈並無所謂二青艸堂者而艸堂清乃清濁之清今龍舒所指青艸堂既非傳燈所錄則非禪師明矣今僧中稍有品格者言不妄發豈有一代宗師出此猥穢之言耶此皆庸僧口吻遂引以爲禪弊之證誣謗古人自感泥犁之報固不足惜誠恐後進初機一惑其說互相非毀同墜無間耳某竊謂龍舒亦法門中君子耳言不該典非君子所談豈有著述立言不稽古訓而可以垂範後世乎

卽鼻祖西來因義學之士溺於筌蹄極力埽除然亦不廢文字語言三昧故其囑神光曰楞伽四卷可以印心嗟夫在今之學者不待達摩埽除已先自埽矣主法者自既不通文字語言不得全機大用復從而禁之曰我者裏祇重行德不崇機辯夫機辯豈易言乎哉歸宗曰馬祖下出八十餘員善知識唯有百丈得大機黃巢得大用其餘祇是唱導之師夫百丈黃巢有超師之見地故有逸羣之機用然則機辯豈易言乎哉卽傳燈所載如李駙馬楊文公諸老慧辯縱橫激揚向上豈學語之流所能企及苟如近日宗師

揭題

卷之三

三

所言則學者當如木偶如啞羊其不流於默照邪禪也幾希矣承諭索龐公錄序將刊出爲白衣榜樣者此舉甚善向因院務倥偬至今尙未屬稿昔者周海門先生曾集儒門得道者爲一帙目曰知儒編其意謂知佛然後乃知儒荷山集弘釋錄乃以文公諸大儒列於輔敎篇竊窺二老命題之意雖欲會儒釋於不二之門似涯岸猶未全泯衲今據五燈次第集之目曰鏡華錄僭爲序言并錄寄上儻可梓而行之則六十餘員知識一時湧出芝城豈非左右倡首之力乎翠巖事有斷不容辭者淡荷法愛挽留尙圖面布

別悰肅復不備

復建州謝進士

諱相

禪學之盛衰其樞機蓋自王臣王臣好道則盛否則衰是故唐宋之際上自王公卿相下而牧豎輿儕罕有不慕禪學故禪學大盛於唐宋凡沙門之有道可以代先覺覺民者朝廷必錫號錫衣以旌勸之崇其屋廬厚其資產免其賦役出入則軒蓋相望幢旛相導使彼濫廁縉流之徒有所觀感而憤發焉迄元明以來宗風漸衰僧尼雜糅王臣鄙之非特不屑屈膝奉事於沙門且將奴隸犬馬其人矣悲夫僧既自侮

而王臣侮之王臣侮之而魁偉奇崛之士復不屑爲僧欲望教法之隆安可得哉衲濫尸師位無補法門痛念宗教之衰零難洗時流之積弊卽敝山丁亂離之後耆舊凋殘典型滅裂所僅存者數椽而已因念先御史及列位賢昆仲弘護無斁眷注不遺雖謙劣無用如衲者且連篇累牘以畱之則此方法道之機其在諸閣下之主盟有以再整頽綱乎來諭婉辭西江護法復假數年者極荷厚愛尙俟秋清晤教面布鄙衷以決行藏肅復不備

復建州謝進士

諱玄銓

昔遠公與十八高賢刻蓮漏於虎谿橋畔天子景仰道風至潯陽而三召不出芙蓉不受皇褒甘就刑罰汾州天使再至遂偕侍者坐脫立亾典型昊在風範凜然蓋其輕身世等鴻毛重道德等丘嶽故於歟生之際宴如也某行業荒怠遠不及古人撫已而觀直令羞殺然此行亦非爲釣沽譽名實以翠巖繼席無人不得已一出與諸知己共議次補之事所以暫違嚴命儻一息尚存斲不敢忘金湯之高誼來秋歸期自當踐約草率奉覆不備不莊

復新建歐孝廉

諱德生

兩辱釣名佩德殊深貴省地處不爭敝鄉烽煙未靖誠如至教苟非真知己焉能爲衲體貼至此其愛我之深爲道之篤雖土肝木膽亦當感激豈容固辭第名山顯位天下有才有德者皆可居庶幾大同無我之風揖讓謳歌之世再見於今日耳若有絲毫憎愛取舍之情有於眉次是摘空華而撈水月矣惟高明諒之宥之間台駕有長汀之役未知何時儼臨幸一顧我於紫雲白石之間共話不二何如遙空布謝無任神馳

復安義徐劉眾鄉紳

荊州未識聲氣已同鴈塔雖遙風光不別兩承榮名理合鳬趨自恨衰殘難申螳臂知五龍之飛躍四海吳瞻冀九傑之恩波八闢普潤神交雖久瞻注猶深何日向寒鄉一現宰官身始信是昆耶億變神通手肅此辭謝統冀台原不備

復南昌齊文學

諱凝烈

祖庭法位也法無有我我興我往則與法相違矣法無有定膠柱鼓瑟則與法相悖矣法無取舍無高下無愛憎無小大苟尊泰岱而卑丘陵戀顯榮而恥巖穴是非法矣非祖矣又何以異於鷗鵝之戀一枝黑

軒之營一窟哉向承門下與合郡紳衿同詞遠召已布腹心迺者華翰再頒非愛我之深焉能及此謝謝尤冀門下於舉業之暇潛神祖道呵護法門使儒門君子知我法門中人亦自有超然物外非富貴尊榮所能籠絡者則佛祖之道當大振於域中矣翠巖云乎哉時炎惟祈爲道自玉不旣

復天童山翁和尙

歲杪專使還山伏審趁居清勝爲慰忝蒙法愛特寫先師頂相并如意遠寄西江其雨露焦枯栽培同學之深心不啻如天普覆矣焚香瞻拜之餘感激非凡言喻消捧讀全錄全集機用峭拔波瀾浩渺直令河伯向洋望若而歎豈青藍水木之足况其超卓哉仰羨仰羨頃聞已允青州大覺之請恨弗獲追隨杖屐以觀曠呻回顧於東魯耳拙錄蒙爲災梨渙煩神思且維揚丁歲凶之時又插梓人混擾叢席并勞兩序諸公照拂之冗愧恧滋甚不知何以報涓埃於萬一

60 1 2 3 4 5 6 7 8 9

10

80

1

2

3

4

5

6

7

8

9

也疊承佳惠下及統此布謝臨頴神馳不備

復黃山恒證和尚

久耳雷震天都弗及鳬趨猊座乃辱瑤箋遠降幣錄
特頌愧慰何可勝言謝謝先師道價重一時兒孫遍
寰海獨新安諸刹未聞白椎之聲旣獲金錫遙飛慈
光再耀雲龍風虎水到渠成又奚啻一刹之慶幸而
已哉某函莽無似螳臂徒申退鼓頻撾業緣未竟不
知何時得橫肩柳栗一訪故人於六六峯頭以話夙
昔也耑使歸促草率奉復尚圖專候興居不備

東龍池萬如和尚

自辛巳冬違教後焜鑑窮谷音問杳然每聞道弘陽
羨聲播寰中誠可謂龍生龍子也弟不才無用埋影
西峯准擬與草木同腐朽無何爲一夥破落戶拉出
洪井谿頭拖泥帶水一上客歲始致辨香於先和尚
塔前曾有小啓奉訊興居專使以途梗未達殊爲悵
然今秋高足破門闈公來翠巖相依不幸竟以疾故
弟爲之嗟咨太息親率眾爲荼毘尚有拂一枝及頌
古一冊不敢遺失敬遣人齋上想吾兄於白雲巖畔
亦不能不爲之感額也山川修阻會晤無期臨風瞻
企不盡依依

60 1 2 3 4 5 6 7 8 9

10

1

2

3

4

5

6

7

8

9

10

復洞山元潔禪師

曩寓白法時聞法駕登峯訪友淡慚蓬草未及攀迎
親領玄誨悵甚邇來衲子自分寧來者靡不稱頌德
風然未獲睹全錄昨辱專使遠惠如遇差珍益新豐
一曲調高和寡非潛行密用洞達源底者莫能窺其
涯涘今讀尊錄詞簡義豐誠可謂玉線金針不忝爲
若耶眞血脉矣欣羨欣羨翠巖重興機緣猶如蝕木
何當華袞之衰客歲力撾退鼓未獲抽身重負之慚
不知何時可謝然後橫肩竹杖專訊法履於白雲青
嶂間也臨頽神馳統祈宗照不旣

復洞山已任禪師

辱承翰敎遠頒財法竝惠感謝無旣且令法音普示
俾大千界不隔毫端兩谿山一天風月者不慧到者
裏直得鉗口有分何則燿燭火於太陽擊布鼓於雷
門得不使明眼人冷笑乎雖然老兄幸是家裏人何
妨說說家裏話生意各別養家一般餽飯殘羹不免
搬弄一上非特因齋慶贊要且錦上鋪華昔年太白
真贓悉爲據款結案幸母謂不慧饒舌也孟冬漸寒
伏惟爲法爲人珍攝不悉

復法昌冰鑑禪師

承惠法儀提傳謝謝律宗久寒儀文不備幸獲令師
和尚一集大成使後學知禪教律之不可偏廢此書
大有裨補於法門自當與藏典並垂不朽惜此方未
廣流通足下梓而新之誠可謂善續其緒矣但法惠
過多報瓊無路耳分寧諸祖利漸爲裨販之區聞之
於邑足下旣發明此一坐具地正應使盲龜破鼈玉
象金獅同歸此一坐具地益見炊煮之熟積蓄之深
故發用之寬廣耳專使還肅函奉覆厚儀藉璧統惟
鑒原不既

復鼓山惟霖禪師

庸水庚峯乍逢乍別者不啻幾河沙矣而流雲翔鶴
天各一方眼中胸中無時不有故人面目存焉者何
哉蓋以法門秋晚非鐵骨冰肝如足下者卒難負荷
此宗耳豈區區鄉曲之情耶頃接翰教始知聖箭堂
中依然陸沉下板豈所謂大器晚成者歟抑亦羞與
時流同頹頹耶來諭年來開堂之風幾遍大地其付
帕拂者如稻麻竹葦某竊謂非眾星無以顯日月之
明非谿澗無以昭江海之深非羣峯無以見須彌盧
之壁立萬仞夫如是但患其不遍耳至若帕拂之多
其弊蓋自少室評唱公案之徒源源而來者苟非壽

昌天童諸大老倔起一整頽綱則宗風肅地矣餘枝末流胡足以較其醇疵哉惟冀足下全身擔荷大振先宗則聖箭之鋒自無敵於天下也鴻便肅復不盡依馳

與佛頂觀長老

一切世法卽是佛法但以凡愚積迷未免觸事違理聲聞見偏因而執理棄事在今天下宗師高談闡論具大知見者不少實履真操滴水滴凍者亦不少求其事理圓融打成一片者指不多屈所以裨販之徒乘機而入遂至紀綱廢弛法化不揚高者則曰吾主

持法道耳區區世務何足關心或枯坐經年或執卷竟日或吟詩画画種柳栽華卑者則曰吾百城煙水辛苦多年而今既坐方丈也須穿些紬絹喫些美甘享些自在福叢林之成敗法道之盛衰絕不關懷此輩所謂竊位者也山僧行腳時目擊其弊每以爲誠故三處開堂十年於茲矣雖無補於法門清夜捫心稍可無愧汝言行篤實履道多年諸方時弊亦皆目擊今旣出世弘道與隱居白法時不同當拌一條窮性命任他苦惱百千一往而進所謂將此身心奉塵刹是則名爲報佛恩果能如是爲歡則吾心必悅服

如是爲叢林則叢林必隆盛如是爲法_人心則英俊必至而法燈常朗矣復何後慮之可斷哉方丈云寺既遠時中常宜與兩序商酌事務調理大眾急其急而緩其緩從其重而舍其輕日居月諸近悅遠來湖海浩歸宗風自當大振耳書不盡言惟冀忘軀爲道至囑

復九峯白長老

九峯勝槩甲於筠陽雖未親遊久知爲諸祖法窟今興情歡洽敦請住持時至緣熟於茲可驗來札謂爲法而行爲法而住是衲僧之本分誠哉是言儒者爲國求賢我輩爲法求人苟以弘法爲念則身世可忘矣去住云乎哉雖然法無定相舒卷臨時今既應緣已居勝地復有明公護持當晝夜忘疲及時行道方來衲子相從者毋論多寡愚智時以此事提持使其自參自悟一切小過宜廓落寬容如此則主伴重重六種四事不期備而自備矣法道濫觴波旬熾盛敗教傷風聞之髮指吾輩言行愈宜小心翼翼取法上古自不落今時之覆轍也勉旃

60

1 2 3 4 5 6 7 8 9

10

1 2 3 4 5 6 7 8 9

80

1 2 3 4 5 6 7 8

9

10

1 2 3 4 5 6 7 8

9

10

古雪詰禪師語錄卷十五

七廿九

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

